



STÓRIA SARDA E DE SU SÀRRABUS

EDADI ITALIANA MONÀRCHICA



UFÌTZIU LÌNGUA SARDA
DE SU SÀRRABUS



REGIONE AUTÒNOMA DE SARDIGNA
REGIONE AUTONOMA DELLA SARDEGNA



PROGETU FINANTZIAU DAE SA LEI 482/1999 E SA L.R. 22/2018

TULIS ANNUALIDADI 2023/2024

BIBLIOGRAFIA

M. Brigaglia, *La Sardegna Tutta la Storia in mille domande*

Daniele Vacca, *Le torri costiere del Regno di Sardegna: costruzione, danni e restauri*

M. Rassu, *Guida alle torri e forti costieri*

L. Ortu, *La Questione Sarda tra Ottocento e Novecento, Aspetti e problemi*

M. E. Gottardi, *Governare un territorio nel Regno di Sardegna Il marchesato di Quirra. Secoli XIV-XIX*

wikipedia.org

medas imàginis funt pigadas dae internet

operadori autori de custu materiali: Danilo Melis

CRONOLOGIA



**Rennu de Sardìnnia
(1297-1861)**

Rennu de Sardìnnia-Piemonti

**Rennu
de Itàlia
(1861-1946)**

**Perìudu Fascista
(1922-1943)**

**Repùbbrica Italiana
(1946-oi)**

1720

a is Savoja

1847

fusioni perfeta

1948

statudu de autonomia
de sa Sardìnnia

SU SETIXENTUS

VITTORIO AMEDEO II (R. 1720-1730)



Vittorio Amedeo II (r. 1720-1730)

A s'acabbu de sa gherra in su 1720 **Vittorio Amedeo II de Savoja divenit rei de Sardìnnia** e cunforma a su **Tratau de Londra** de su 1718 **s'obligat a mantenni e no annoai *leges, privilegia, et statuta regni*** [...] *eodem modo et forma, quibus observabantur, et reperiebantur in uso tempore dominationis Suae Majestatis Caesareae.* Aici depiat s'ighiri puru su **primu visurrei piemontesu: su baroni de *Saint-Remy***. S'unicu providimentu pigau (segretu) est cussu de tenni a càstiu is Stamentus e **circai su cunsensu** po sa càusa piemontesa, po nudda sustènnia. In dónnia manera, is piemontesus ndi pigant totus is càrrigas de governu dependentis dae su rei. Sena perou de podi imbucai in is dinàmicas feudalis.

In su 1730 s'urrei àbdicat e lassat su scannu a su fillu *Carlo Emanuele III*.

SA SARDÌNNIA EREDADA DAE IS SAVOJA

Is Savoja no ant a cuai mai sa scuntentesa insoru po ai dépiu **arrenuntziai a sa Sicìlia po dda scambiai cun sa Sardìnnia**. Sa Sardìnnia furiat una **terra immensa** ma **pagu populada** chi, tandu, non frutàt medas impostas. Po nai, in su **censimentu de su 1728** figurànt **310.096 abitantis** (ammancànt is 5000 nóbblis e eclesiàsticus esentaus dae is impostas), cun una densidadi tandu de **12,87 ab./km2** (sa Sardìnnia est manna 24.000 km2). Faendi su contu de su redditu prodùsiu si stimat ca intra de su 1721-1725 siat stétiu de **400.000 francus a s'annu** chi, capitalizaus a su 5%, faint 8 milionis de valori. Pighendi is próprius critérius po sa Sicìlia ddi fait 62 milionis! Sa Sardìnnia furiat una de is terras prus pòburas de Europa ma comuncas cun unu grandu potentziali.



ab. citadis 1728

- Casteddu: 16.294
- Tàtari: 13.733
- Igrésias: 6065
- Témpiu: 5214
- Aristanis: 4646
- Turinu: 40.000
- Gènoa: 80.000

D. Colombino, *Darsena a festa di San Luigi*, figurat Casteddu, ollu, 1733

MILLI CUMANDAMENTOS

Su territóriu furiat partziu in unus **80 féudus**: 1 ducau, 16 marchesaus, 11 conteas, 1 viscontea, 28 baronias, 24 senniorias e incontradas feudalis. Intra de custus allistaus nci furiant 8 féudus arrégius amministraus in manera dereta dae funtzionàrius de su rei. In prus nci furiant is 7 Citadis arrégias. **Dónnia féudu furiat unu mundu a sei**, cun is figuras amministrativas suas: **podatàriu** (arrapresentàt su feudatàriu e manixàt s'economia de su féudu), **arreidori** (manixàt sa justìtzia), **arrendadori** (coberàt is impostas), e medas àterus **agentis baronalis**, totus perou assùmius po fidelidadi a su meri prus chi po cumpeténtzia, difatis is **abusus de poderiu** furiant fitianus.

Is sardus furiant sutapostus a medas **tributus feudalis**:

- **arrialis** (*Illaor de corte po is messajus, degghinu po is pastoris, deretu de scolca po s'amparu de is campus, deretu de puntarolu po bendi binu, deretu de tauledda po bendi petza*)
- **personalis** (*deretu de feu, deretu de roadia ca furiant prestatzionis de trabballu fatas a indonu a su baroni*)
- **jurisditzionalis** (*deretu de pesu de su casu, deretu de regalia, deretu de laudémiu, deretu de carcelleria e messeria, s'incàrriga, is machìtzias, e a.s.*)

CARLO EMANUELE III (R. 1730-1773)

Carlo Emanuele III, cumentu a su babbu no at a tenni in grandu cunsideru sa **Sardìnnia**, e **speràt de dda podi intregai** a calancunu àteru. Po cussu puru at a pigai parti a is gherras de sucessioni polaca (1733-1738) e austriaca (1740-1748), ma cun s'acabbu de custas cun sa **Paxi de Aachen (1748)** at a arrenuntzai a sa possibilitadi de dda scambiai e at a cumentzai a interverni po **assegurai su poderiu sabàudu** in s'ìsula, pruschetotu **cuncontrastendi su banditismu**.



Carlo Emanuele III (r. 1730-1773)

S'Europa a pustis de sa Paxi de Aachen (1748)

SU BANDITISMU

Cumprendi is arréxinis de su banditismu est casi impossìbbili, su naturali est seguramenti de **arrebéllia a is ingiustìzias feudalis** ma est beru puru ca **is baronis etotu sfrutànt su fenómenu**, siat contras de àterus baronis siat po **ponni a triva a is guvernadoris piemontesus**, po nudda agradéssius dae is nóbblis filo-spanniolus o inderetura filo-austriacus, e ancora prus pagu dae is sardus. Est in su rennu de **Carlo Emanuele III** chi si pigant is **primus providimentus** cumenti sa proibidura de fabbricai e portai armas e sa de portai sa barba longa, ma s'aina prus imperada furiat cussa de s'**arreprimidura**. Su visurrei **Di Rivarolo** (r. 1735-1738) at a fai prus de 3000 presoneris e 432 mortus, su visurrei **Valguarnera** (r. 1748-1751) nd'iat mortu inderetura 500.



SA TRANSIDURA E SA “PEREQUAZIONE” (1748-1758)

Caràteris de s'assolutismu illuminau

Su rei non pentzàt scéti a defendi is làcanas de su rennu suu ma circàt finas su beni de totu sa culletividadi

Is polìticas impunnànt a:

- cumbati is privilégios de nobbiltadi e creru;
- svilupai sa libbertadi de cummérciu;
- ammellorai su sistema fiscali;
- promovi s'istrutzioni pùbblica

Is reis schisànt polìticas democràticas timendi su pagu sentidu de su pópulu

Cumentis eus nau, est a pustis de sa Paxi de **Aachen (1748)** chi *Carlo Emanuele III* pigat in manus de veras su governu de su Rennu de Sardìnnia. Cunforma a is **ideas de s'assolutismu illuminau** de su tempus su rei portat a innanti polìticas de **acentramentu de s'aparau statali** e de afortiadura de sa strutura burocràtica, promovendi medas **arreformas in is Stalus de Terramanna** cumentis a cussa de sa **perequazione** impunnada a **uniformai** is servìtzios, is normas e is istituzionis de su territòriu (sistemas monetàrios, pesos e mesuras, manixu de is arresuras e a.s.), non sena de ai cumpriu prima una grandu **faina istrutória** po connosci a fini sa situatzioni de dónnia logu. Custas si faiant in **Sardìnnia** puru e aici si connoscient is cunditziunis lègias de s'ìsula. Po cussu, in su **1759**, su rei nòminat *Giovanni Battista Lorenzo Bogino* a Ministru po is Afàrios de Sardìnnia.

CONCAS A IS ARREFORMAS DE BOGINO (1751-1758)



Francesco Emanuele Valguarnera Gravina
visurrei de Sardìnnia (r. 1748-1751)

Antis de lompi *Bogino* is **visurreis** iant giai cumpriu unas cantu arreformas de importu. Antetotu, in su 1751, a pustis de su mandau de **Valguarnera** (r. 1748-1751) sa situatzioni de órdini pùbbricu furiat apaxada, sa populatzioni furiat créscia (360.392 ab.) e si furiant torrendi a abiatzai is cummércius. Su visurrei **Cacherano di Bricherasio** (r. 1751-1755) iat promóviu s'impianu de manufaturas e iat cumentzau a pesai críticas asuba de su feudalésimu, su sucessori suu **Costa di Trinità** (r. 1755-1758) at a cumentzai a s'arrelatai cun is intelletualis sardus cun su bisu de formai e **pesai una classi de funtzionàrius sardus**.

IS ARREFORMAS DE BOGINO (1759-1773)


Is arreformas prus nodias, de idealis illuministas, de *Giovanni Battista Lorenzo Bogino* cumentu a Ministru de is Afàrius de Sardìnnia funt:

- sa **sminguadura de is privilégios eclesiàsticus** (deretu de asilu e privilégium de foru) gràtzias a unu acórdiu cun papa Clementi XIII;
- s'**eficientamentu de sa justìzia** (13/03/1759): est previdia sa valutazioni de sa cumpeténtzia de is jugis in is tribunalis arrégius (ma non in is Cortis baronalis), in prus is penas funt prus grais e si lompit cun prus facilitadi a sa tortura e a sa furca (dae ingui seguramenti est nàsciu su contu de “su bugginu”);



IS ARREFORMAS DE BOGINO (1759-1773)

- **Piano di studi per le scuole inferiori** (25/07/1760): est introdùsiu s'imparu obligatòriu de s'italianu po cuntrastai s'ispanicidadi linguistica e culturali de is intelletualis sardus; arribbant professoris e libburus scolàsticus dae Turinu;
- **arreforma de is Universidadis**: in Casteddu in su 1759 est istituia una càtidra de chirurgia, afidada a su dot. *Michele Piazza*; annoadura de is istitutzionis de ambas Universidadis (1764-65); incingiadura de su Palàtziu *Belgrano*, seu noa de s'Universidadis de Casteddu (01/11/1769);



Progetu originàriu de su Retorau de Casteddu (1766);
su Teatru at a essi bogau in su progetu definitivu.

IS ARREFORMAS DE BOGINO (1759-1773)

- **istituzioni de is Montegranàticus** (04/09/1767): si proponiat de agiudai a is messajus pòburus, furnendiddis a interessus bàscius su trigu po sa sémina. Su bisu furiat cussu de sarbai a is messajus dae s'imprétidu usuraju e favoressi sa messaria;
- **istituzioni de su Censorau generali de sa Messaria;**
- **arreforma de sa currispundéntzia marítima (*speronare*).**



In medas biddas de Sardìnnia, innui oi nc'est unu Bancu de Sardìnnia unu tempus nci furiat su Montegranàticu. Is Montegranàticus in su 1924 ant mudau in *Casse Comunali di Credito Agrario*, e in su 1954 cun sa fusioni de *s'Istituto di Credito Agrario per la Sardegna* cun su *Banco di Sardegna di Cagliari*, furiat nàsciu su *Banco di Sardegna*.

← Bancu de Sardìnnia de Santu 'Idu (ex montegranàticu)


IS ARREFORMAS DE BOGINO (1759-1773)



Giovanni Battista Lorenzo Bogino
Ministru de is Afàrius de Sardìnnia (1759-1773)

Su providimentu prus de importu, po is cunsighéntzias chi at a portai, est s'istitutzioni in su 1771 de is **Cunsillus Cumunitativus** po s'amministratzioni de dónnia bidda. Is cunsilleris furiant espressaus dae is **tres cetus socialis** (printzipalis, messajus e pastoris, pòburus) e dónnia tres annus si votàt po su **sìndigu**: dónnia classi votàt su suu e a **arrodiu** faiat un'annu su de sa primu classi, un'annu su de sa segunda e un'annu su de s'ùrtima classi. **Cun custa istitutzioni trociant a su baroni sa cumpeténtzia de nominai is amministradoris de is biddas**, antzis imoi is Cunsillus furiant **asuta de s'amparu deretu de su Rei**. A is Cunsillus cumpetiat sa partzidura de is impostas intra de is contribuentis e s'arrecursu a s'Audéntzia Arriali po is angarias de is feudatàrius. Custu at permìtiu de **pesai una classi sociali noa e cuscenti de is deretus suos contras a su feudalésimu**.

TIRAI IS CONTUS DE S'ARREFORMISMU



padre Luca Cubeddu

Mancai non si potzat chistionai de arreformas berdaderas e efetivas (giai chi non andant a scravai de fundu su sistema feudali) tocat a arreconnosci ca, gràtzias a is annoaduras de is Universidadis, si pesat unu **movimentu culturali nou**, abertu a su mundu e is **bideas europeas** e finas **cuscenti de s'identidadi sua de sardus**. Podit parri unu paradossu ma mancai in is Universidadis si imponessit s'italianu, in custu periudu **si svilupant medas studiosus amantiosus de sa lingua e de sa cultura sarda**.

Mateu Madau pùbbricat su primu stùdiu de linguìstica sarda; Domenico Simon trabballat a su *Rerum Sardorum Scriptores*; funt nodius is poetas e scritoris Pedru Pisurzi, Baignu Pes, Juanne Pedru Cubeddu (nodiù padre Luca), Frantziscu Nàssiu Mannu.

VITTORIO AMEDEO III (R. 1773-1796)



Vittorio Amedeo III (r. 1773-1796)

Vittorio Amedeo III divenit rei de Sardìnnia a sa morti de su babbu *Carlo Emanuele III* in su 1773. Unas cantu diis a pustis de ai pigau su poderiu **iat licentziau a is ministrus *Lascaris e Bogino***, chi mindispretziàt parìciu, arremprasendeddus perou cun personis de pagu cumpeténtzia. Sa polìtica sua est de **arrimadura de su processu de arreformismu illuminau**, avalorendi de prus sa nobbiltadi de sànguni in ponti de sa nobbiltadi de servìtziau. Mancai custus passus agoa a livellu ideològicu, su rennu de *Vittorio Amedeo III* si podit bantai po su **grandu interessu po is sciéntzias**. Est issu chi at a promovi s'istitutzioni de s'Acadèmia de is Sciéntzias de Turinu. In prus, asuta de su rennu suu, su visurrei *Ferrero della Marmora* iat istituuiu in su 1774 una càtidra de Matemàtica in s'Universidadi de Casteddu. Comuncas **is visurreis ant a sighiri**, mancai **in manera prus branda, s'àndala arreformista**.

FRANCISCA SANNA SULIS (1716-1810)



Nàscia in **Murera** in su 1716, sa famìllia sua teniat bìngias, tancas e pegus meda. A 19 annus si cojat cun Pedru Sanna Lecca, chi teniat una sienda de **mura de gessa**. Issa divenit amantiosa de **sirigurtura**, ammànniat sa produsidura e cumprit totu sa filera introdusendi **màchinas de filai e de cosiri** modernas in su **laboratòriu de Quartùciu**. Cuncordat cursus de **formatzioni po is féminas** e assumit medas pòburus. Is prodotus mesu-trabballaus de seda suos furiant esportaus in Itàlia e in àterus stadus europeus. Est cunsiderada **una de is primus imprendidoras europeas** e fortzis sa prima a ai introdùsiu unu **protosistema industriali in Sardìnnia**, cun finis socialis e egalitàrius.

FRANCISCA SANNA SULIS (1716-1810)



Morta a 94 annus, ponit in su **testamentu**: "*In primo luogo ordino e comando che si dia sepoltura al mio cadavere nel modo più semplice e senza pompa alcuna, una volta che io muoia nel paese di Quartucciu. [...]. I beni del Sarrabus, terre [...] (e vigne e giardini e case), è mia espressa volontà, si divida tra quei poveri di detta Villa di Muravera i più necessitati preferendo quelli di migliore estrazione e di buoni costumi ...*"

JISEPU COSSU (1739-1811)



Dae su 1770 a su 1796 furiat su **Cènsori generali de is Montis frumentàrius**. Is fainas suas furiant alientadas dae is bideas de sa **fisiocratzia**, una teoria económicu-sociali chi ponit a fundamentu de sa prosperidadi sociali sa terra e sa messaria, **denunziendi su sistema feudali cumentu a càusa de sa poburesa de sa Sardìnnia**. A Cossu si depit sa spainadura siat de is **montegranàticus** chi de una cultura noa de sa terra, gràtzias a is medas **pubbricatzionis scritas siat in italianu chi in sardu**. At scritu sàggius asuba de s'idrografia, pedologia e geologia de sa Sardìnnia; sa libbertadi de cummèrciu de su trigu; de is maneras po bociri is pibitzius; de is vantàggius de s'allevamentu de is brabeis sardas; de sa cortura de s'olia e sa faidura de s'ollu; de sa cortura de su cotoni e de sa patata. Ma is òberas prus nodias funt *Moriografia sarda ossia catechismo gelsario proposto per ordine del regio governo alli possessori di terre, ed agricoltori del Regno sardo* (1788) e *Seriografia ossia catechismo del filugello* (1789).

VISURREIS VALPERGA, MORETTA (1781-1787)



Visurrennu de **Carlo Francesco di Valperga** (1781-1783):

- costitutzioni de una **Giunta di Ponti e Strade** cun su proponimentu de fai duas **stradas** intra de Casteddu e Tàtari, una dereta e una **orientali**;
- 11/05/1781: si morit su para capucinu **Nàssiu dae Làconi**, a s'interru iat participau su visurrei, s'Audéntzia Arriali e una sciuma de genti.

Visurrennu de **Angelo Solaro di Moretta** (1783-1787):

- grandu interessu e **collaboratzioni** a sa faina de **Jisepu Cossu** in campu de allevamentu de brabeis;
- 1784: **Progetto francese per lo scambio della Sardegna con la Corsica** (allogau oi in is arcivus de su Ministériu de su Strangeri francesu) e cuncordatas cun su governu austriacu po scambiai s'ìsula cun terras padanas.

SU VISURREI THAON (1787-1790): S'ÙRTIMU ARREFORMISTA



Carlo Thaon di Revel e Sant'Andrea
visurrei de Sardìnnia (r. 1787-1790)

Visurrennu de **Carlo Francesco Tahon** (r. 1787-1790)

- **polìtica económica mercantilìstica** impunnada a afortiai su setori de su tessìngiu gràtzias finas a sa collaboratzioni cun **Jisepu Cossu** e cun su jugi de s'Audéntzia Arriali, Juanni Maria Angioy, chi iat introdùsiu unas cantu màchinas de filai; **libberalizatzioni** de sa béndida de sa petza; introdusidura de brabeis e de mascus de arratza sceddada, e de cuaddus e bois dae s'Andalusia; ammodernadura e **acrescimentu de sa produsidura de su trigu** (1789: 1 milioni de cuintalis), in prus cuntestàt is dèximas de creru chi impeigànt su progressu de sa messaria, de su cummèrciu e de s'indùstria; iat promóviu finas sa costitutzioni de un'Académia Agrària.

Su sucessori de *Tahon* at a essi *Vincenzo Balbiano* in su 1790.


S'URTIMA TURRI SARRABESA



Turri de Murtas

In una arrelata de su 1791 si difiniat s'importu mannu de **una turri po s'amparu de su portu de Nuraxi de Morus**: *"In mezzo di due alti monti, entro pel lungo tratto di mare, ed ivi forma la cala denominata di Murtas in cui possono restarvi due Galiote; entrata, che sia in essa la Galiota non è più veduta dalla parte di terra, e sfugge facilmente l'osservazione del navigante, se non si fissa con attenzione. Lungi dalla medesima circa 3 quarti d'ora avvi un'abbondante sorgente d'acqua buonissima. Allettati i Turchi dal sicuro ricovero, e dall'acqua per provvedersene approdano con molta frequenza in essa Cala. [...]"*

S'URTIMA TURRI SARRABESA



"[...] Quivi giunti discendono in terra nascondonsi dietro ad alcuni macigni, e particolarmente in alcuni avanzi di un antico nuraco chepercò ha ottenuta la denominazione di Nuraxi de Morus, ed inverso l'ordine fanno essi la sentinella contro i Nazionali, che non veduti osservano, e dal favore de' macigni, e della boscaglia agevolmente circondano, e riducono in schiavitù i terrazzani, che ivi si avvicinano." Tandu in su 1791 is paesanus de Santu 'Idu, Murera e Bidd'e Putzi iant pediu a su visurrei de pesai sa turri po amparai cussus logus. S'annu a pustis aprobbant sa fabbricadura e cumentzant is trabballus, sa turri est acabbada in su **1794**. Dismissioni: a pustis de su 1843.

SA SARDA REVOLUTZIONI (1792-1802)

SA REVOLUTZIONI FRANCESA (1789)




In su interis, in **Frància**, sa **grandu strasura económica** de cussus annus, aunia a su **dispotismu de su rei Luisu XVI** e is **ingiustìtzias de su sistema feudali**, iat portau su **pópulu bàsciu** a si furriai, sustènniu finas dae sa **borghesia** e dae is **intelletualis**. Is arresurtaus de is fatus de su 1789 funt:

- **abolizioni de sa monarchia assoluta;**
- **procramatzioni de sa repùbblica**
- **abolizioni de su feudalésimu;**
- **sviluppu de is deretus universalis de s'òmini** e de is bideas de **stadu de deretu** e **stadu libberali**.




SA FRÀNCIA VS ANCIEN RÉGIME

Is **poténcias de s'Ancien Régime** no iant stentau a formai una **primu coalizioni antifrancesa**, intzùllia pruschetotu dae su **rei Luisu XVI** fincias a candu is arrevolutzionàrius no dd'ant a sdegollai su 21/01/1793. Sa **gherra** comuncas furiat giai cumentzada in s'**atóngiu de su 1792** e s'esércitu arrevolutzionàriu iat ocupau territóriu meda in **Europa**. Su 22/09/1792 **is francesus invadint Nizza e Savoja**, su 26 una **lìtera** dae Turinu avisat a su **visurrei Balbiano** ca sa benienti at a essi sa **Sardìnnia**. Su visurrei perou fait cuai sa lìtera e **non pigat perunu providimentu**.



NAIS FRANCESAS ANANTI DE CASTEDDU (21/12/1792)

Sa conchista de sa Sardìnnia serbiat a is francesus po tenni una **basi a su centru de su Mediterràneu**, sa *Convention Nationale* iat incarrigau sa **speditzioni** a s'ammiràlliu **Laurent Truguet**, e issu iat aprontau una flota de 36 vascellus in *Toulon*. Su 21/12/1792 is francesus lompint ananti de **Casteddu** ma una **temporada** lègia ddus tragat conca a is **costeras sulcitanas**, perdendi finas unas cantu nais. Tandu sceddant de **ocupai is ìsulas de Sant'Antiogu e Santu Pedru** po aprontai beni su sbarcu benidori in Casteddu. Cunsiderau s'immobilismu visurriali su **Stamentu Militari** si cunvocat de sei suu e, a spesas suas, arrennescit a pinnigai **4000 sordaus e 6000 cadderis**.



SA PROPAGANDA ANTIGIACOBINA DE SA CRÉSIA

Su sucessu de s'arrolamentu sardu si depit pruschetotu a sa **propaganda antigiacobina** portada a innanti in cussa ocasioni dae is **predis** de dónnia bidde de Sardìnnia. **Is francesus arrevolutzionàrius furiant bius cumentì a s'eremigu** in personi, genti sena de Deus chi boliat sperdi s'órdini costituiiu de su Mundu.



Itireddu, Crésia de Santa Gruxi

IS FRANCESUS BOMBARDANT CASTEDDU (28/01/1793)



Su **22/01/1793** sa flota cumandada dae s'amiràlli **Treguet** (imoi de **82 vascellus**) lompit a **Casteddu** e mandat **21 óminis** a proponni a is sardus de s'arrendi. Ma is casteddajus, pinnigaus po afestai a Sant'Efis, pigant e **bombardant sa barchita** bocendi 17 intra de is 21 ambasciadoris. **Treguet**, ferenau, **cumandat su bombardamentu de sa citadi** su 28 de gennaxu ma **is defesas sardas poderant** e antzis ferrint medas nais francesas.



SU SBARCU FRANCESU IN CUARTU (11-13/02/1793)



S'11 de friaxu **is francesus sbarcant a parti de Quartu** cun 1200 sordaus e impunnant a Casteddu cun s'obietivu de conchistai su **Lazaretu** e sa Turri de **Cala de Musca**, ma sa cavalleria sarda ddus aterrat. Tandu sbarcant àterus 5000 e s'aposentant assoru de Quartu e su 15 **torrant a tentai sa conchista** de Cala de Musca e finas de Quartu, **ma non nc'arrennescint gràtzias a is sordaus sardus chi cun grandu valori ddus aterrant ancora**. Su 16 e su 17 torrant a **bombardai Casteddu** faendi comunicas pagu dannu, un'àtera temporada torrat a arrogai una parti de sa flota (es. sa nai *Léopard* cun 74 cannonis si sciàsciat in is arrocas). Is insuccessus de sa speditzioni francesa portant a s'ammutinamentu de is sordaus e **Treguet est custrintu a arrenuntzai a conchistai s'isula**.



S'ATACU A SA MADALENA (22/02/1793)



Su 22 de friaxu una **flota francu-corsicana**, cumandada dae *Colonna Cesari* (nebodi de *Pasquale Paoli*) e s'ofitziali de artilleria **Napoleone Bonaparte**, conchistat s'isula de Santu Stèvini e cumentzat a **bombardai Sa Madalena**. Su patriotu **Domìnigu Millelire** at a cumpriri un'**impresa épica**: càrrigat in una lància su cannoni prus mannu de sa batèria e ponit in fatu sa nai *Fauvette*.



IS 5 DIMANDAS

Ai bintu a is francesus e amparau sa Sardìnnia iat pesau unu sentidu patrióticu e de unidadi natzionali sarda. Su rei *Vittorio Amedeo III* boliat premiai su valori de is sardus, tandu is **Stamentus militari e arriali**, in sitiada plenària, intra de su 29 de abrili e su 18 de maju 1793 **aprontant 5 dimandas de fai a su rei.**

1. Su **cunvocu lestru de su Parlamentu** generali e assegurai su cunvocu dónnia 10 annus.
2. S'arrespetu de is privilégius e de is fundamentus de su Rennu.
3. Assegurai is **incàrrigus de s'amministratzioni pùbblica a is sardus**, francu cussu de visurrei.
4. Istituiru una *Terza Sala* de sa *Reale Udienza* po istruiri totus is pràticas polìticas e amministrativas chi pertocànt sa justìtzia penali o civili.
5. Istituiru in Turinu unu Ministériu po is Afàrius de Sardìnnia.

SA DELEGATZIONI E SA SUSPENSIONI DE IS STAMENTUS



Sa delegatzioni furiat arribbada in Turinu su 4 de cabudanni 1793, po presentai is 5 dimandas a su rei.

Sa delegatzioni furiat cumpónnia:


- **S. militari:** Girolimu Pitzolo e Domìnicu Simon;
- **S. arriali:** Antoni Sircana e Jisepu Ramasso;
- **S. eclesiàsticu:** Miali Aymerich e Pedru Maria Sisternes.

Mancai sa bella faci de sa corti piemontesa furiat craru ca **s'ambasciada non furiat po nudda agradéssia**. Difatis sa dii etotu su rei iat firmau s'**órdini de suspensioni de is sitiadas de is tres Stamentus**. Frantziscu Nàssiu Mannu scriiat «Serrai custus at a parri cumentu a non bolli ascurtai a is deputaus, e dispretziai is pediduras, e is dimandas de sa natzioni, ca su chi at fatu po su rei si sciit in totu Europa».

stàtua de F.I. Mannu in Otzieri

SA DELEGATZIONI IN TURINU

Sa corti turinesa ddis proponiat de s'arrelatai cun su **ministru de is internus Graneri** ma sa delegazioni, cuscenti de s'arrolu suu, boliat essi arricia dae su rei. **Scéti a pustis de 3 mesis su rei ddus arricit** e ddis donat feti promissas genéricas, intregghendi s'arrexonamentu de cussus proponimentus a una **cummissioni** chi mancu at a ascurtai sa delegazioni. Custu **arrefudu** si depit puru a su **visurrei Balbiano** ca giai in su mesi de austu 1793 iat imprénniu sa corti arriali, cun is billetus suus, ca is sardus boliant fai sa revolutzioni. Su visurrei *Balbiano* in cussus mesis iat cumentzau una sèmpiri prus forti **arreprimidura a is possìbbilis oponidoris políticus**.



Palàtziu Arriali (Turinu)

SA DII DE SA SARDÌNNIA (28/04/1794)

Su **28 de abrili de su 1794**, fàcias a mesudii, **iant arrestau in Casteddu is abogaus Bissenti Cabras e Brennau Pintor** cun s'acusa de seditzioni: furiant duus de is rapresentantis prus nodius de sa borghesia casteddaja. Custus in su interis chi ddus furiant portendi in presoni intzulliant sa genti a si furriai. **S'ódiu de is sardus contras a is piemontesus sciogat in una arrebellia populari.** Cun su sonu de is arrepicus de is campanas de Stampaxi, Biddanoa e Lapola totus curriant a Casteddu de Susu po **aciapai a su visurrei e totus is piemontesus**, e po ddus stretzai ddis pediant: **“nara cìxiri!”** chi, benit de sei, non sciiant nai. Su 7 de maju 1794, **514 piemontesu, cun su visurrei, funt imbarcaus a fortza e esiliaus a s'Itàlia.**



(dis. Jean Claudio Vinci)

S'AUDÉNTZIA ARRIALI PIGAT SU PODERIU

Giai dae su merici de su 28 de abrili **s'Audéntzia Arriali iat pigau is poderius de governu de s'isula**, cunforma a cantu disciniu dae is leis sardas in s'incasu de auséntzia de su visurrei. Impari cun is Stamentus **su bisu furiat cussu de mantenni sa revolutzioni aintru de unu arreformismu patrióticu e de assegurai su governu piemontesu ca sa situatzioni teniat legitimidadi e ca furiat tenta a pùmpiu.**



Su visurrei *Filippo Vivalda*

In s'istadi de su 1794 su visurrei *Balbiano* est arremprasau dae **Filippo Vivalda** e a su Ministériu de is Afàrius de Sardìnnia su rei ponit a **Avogadro di Quaregna**. *Vivalda* e *Quaregna* acussentint deretus a unas cantu dimandas sardas e **ponint 4 sardus me in incàrrigus amministrativus de artu livellu: Baingiu Cocco** a arreidori de sa Cancelleria Arriali; **Girolimu Pitzolo** a intendenti generali; **Baingiu Paliaccio**, marchesu de sa Pranaxa, a generali de is Armas; **Baingiu Santuccio** a guvernadori de sa Citadi de Tàtari.

SU SCÓRRIU INTRA DE NORMALIZADORIS E NOVADORES

assolutistas		assolutistas contras a calisiat arreforma (istitutziunis assoru de su rei)
partidu patriòticu	normalizadoris	<ul style="list-style-type: none">ala autonomista moderada, contras a is abusus de is feudatàrius (sena de ponni in duda su sistema feudali), s'obietivu insoru furiat s'acetatzioni de is 5 dimandas (Pitzolo, Pintor)
	novadores	<ul style="list-style-type: none">ala autonomista arreformista po s'abolidura gradualis de su feudalésimu (positzioni pùbblica de Angioy)ala independentista repubblicana de ideas giacobinas (Cilloco, Mundula)

Aintru de su **partidu patriòticu** si furiant pesendi **duas currentis**: cussa de is **normalizadoris** (is prus moderaus) e cussa de is **novadores** (arreformistas). Ma aintru de is *novadores* nci furiant finas unus cantu sustenidoris de is bideas giacobinas chi poniant in duda s'istitutu monàrchicu. Su scórriu intra de normalizadoris e *novadores* dd'abrexint Pitzolo e Paliaccio.

In s'istadi de su 1795 **su rei iat nominau 3 jugis** nous, totus tataresus e normalizadoris, **sena de ai consultau a is Stamentus**. Tandu is **novadores** iant cumbintu a su visurrei a **fai annullai is nòminas** giai chi no arrespetànt sa costituzioni de su rennu.

GIROLIMU PITZOLO

Tandu su ministru nou de is Afàrius de Sardìnnia **Galli della Loggia**, mandat una lìtera **imponendi a su visurrei de arrespetai is nòminas** e de **donai autoridadi a s'intendenti Pitzolo** po fai arrespetai is diretivas e aterrai a is oponidoris. Custu àutu dae parti de su ministru donàt unu grandu **sustènniu a is normalizadoris** e pruschetotu esautorat su visurrei. Is **polìticas politziescas de Pitzolo** iant portau su 06/07/1795 a unu **avalotu nou, sustènniu dae is novadores chi andant a domu de s'intendenti po ddu bociri**. Pitzolo, assediau, s'arrendit cun sa cundizioni de podi andai acanta de su visurrei po si sarbai. Ma, lómpiu a su Palàtziu Visurriali, su visurrei *Vivalda* non dd'arricit e ddu lassat fai bociri a su pópulu casteddaju. Una sorti assimbillanti at a spetai finas a su generali Paliaccio su 22/07.



Girolimu Pitzolo


Baìngiu Paliaccio



IS PARTZIDURAS IDEOLÓGICAS

— cuntrastu

— susténniu



assolutistas		assolutistas contras a calisiat arreforma (istitutzionis assoru de su rei)
partidu patrióticu	normalizadoris	<ul style="list-style-type: none"> ala autonomista moderada, contras a is abusus de is feudatàrius (sena de ponna in duda su sistema feudali), s'obietivu insoru furiat s'acetatzioni de is 5 dimandas (Pitzolo, Pintor)
	novadores	<ul style="list-style-type: none"> ala autonomista arreformista po s'abolidura graduali de su feudalésimu (positzioni pùbblica de Angioy) ala independentista repubblicana de ideas giacobinas (Cilloco, Mundula)



arreformismu

cunservadorismu

TÀTARI VS. CASTEDDU



Porta de Sant'Antoni (Tàtari)

A pustis de sa morti de Pitzolo sa currenti de **is novadores pigat poderiu in is Stamentus, acapiendi** sèmpiri de prus **su poderiu de su visurrei**. Difatis *Vivalda*, po evitai àterus avalotus, at a acussentiri medas polìticas arreformistas. In su própriu perìudu is cumunidadis de Cabu de Susu si fùrriant a is feudatàrius faendi grandu strasura.

S'8 de austu 1795, **is feudatàrius tataresus**, su creru e sa majoria de su Cunsillu cìvicu, impentzamentaus dae is avalotus e dae sa collusioni intra de su visurrei e is *novadores*, si pinnigant impari e **minàciant sa stalladura de su Cabu de Susu**.

Is timorias de is feudatàrius tataresus s'averant candu su 10 de austu 1795 su visurrei passat unu pregoni **chi invitàt a is s'indigus e is cunsillus cumunitativus a denuntziai a su guvernu is abusos de is feudatàrius**, difatis portendi a s'istituzionalizatzioni de s'avalotu antifeudali.

IS ÀUTUS DE UNIONI E CUNCÓRDIA

Su ministru Galli (assolutista) aprofetat de sa situatzioni e autorizat Tatàri a non ponni in menti a is disponimentus de su visurrei (e de is Stamentus) chi non cunfaiant a is interessus de sa citadi, delegitimendi su governu visurriali e is politicas arreformistas de is *novadores*.

Tandu is Stamentus mandant in Cabu de Susu **5 cummissàrius** po assegurai sa spainadura e s'**acumprimentu de su pregoni de su 10 de austu 1795 in is cùrias baronalis**; intra de custus depeus arremonai a **Franciscu Cilloco** chi, impari a **Gioachinu Mùndula**, at a spainai idealis antifeudalis (e finas giacobinus). Is cumunidadis cumentzant de sei insoru a si ndi scabbulli de is féudus cun ainas de lei, is **àutus de unioni e cuncórdia**, innui in pràtica **is biddas difiniant e jurànt de no arreconnosci prus perunu feudatàriu** cuncordendi su pagamentu de s'**arriscatu de su féudu** a su feudatàriu. Su primu àutu ddu firmant is comunus de Tiesi, Chelémure e Bessude su 24/11/1795, e nd'ant a sighiri medas àterus.



Tiesi



Chelémure



Bessude

SA CONCHISTA DE TÀTARI (28/12/1795)

Ma **sa propaganda antifeudali non si furiat poderada feti a is ainas de lei.** Su 28/12/1795 **un'esércitu de 13.000 messajus** (ma nci furiant finas féminas, predis, meris de terra) gujau dae Cilloco e Mùndula (de bideas giacobinas) **conchistat sa citadi de Tàtari.** Cilloco e Mùndula **iant aciapau a is autoridadis prus artas,** sìmbulu de su feudalésimu prus malu: su guvernadori Santuccio e a s'arcibispu Della Torre, e su 31/12 furiant móvius po ddus portai a Casteddu cumentu a presoneris. Ma una delegatzioni cumandada dae **Pintor ddus firmat in Sàrdara** e ndi pigat is presoneris, lassendi comuncas stai a is duus avalotadoris po non pesai una *escalation* prus manna in cussu momentu.



Custus fatus iant impentzamentau parìciu is Stamentus. Siat s'ala moderada de Pintor chi cussa arreformista de Angioy **non podiant acetai una furriadura de aici violenta e arreentina de s'ordinamentu políticu e sociali,** alientada, a parri de s'ala moderada e dae is prus cunservadoris, dae **bideas giacobinas.**


Furiat ora de torrai a incasseddai sa situatzioni in is binàrius de sa legalidadi e de sa moderatzioni, e in pressi puru.

ANGIOY ALTERNOS ARRIBBAT IN TÀTARI (28/02/1796)

Po apasiguai s'avalotu logudoresu, su 16 de gennaxu de su 1796, is Stamentus proponint e otenint dae su visurrei sa nòmina a **alternos** de su jugi de s'Audéntzia Arriali **Juanni Maria Angioy**, capu de is *novadores*. Angioy perou at a movi scéti su 13 de friaxu: **nc'iat pentzau meda prima de acetai s'incàrrigu**. Su **28 de friaxu de su 1796 Angioy lompit a Tàtari** e dd'arricint cumentu a un'eroi. Deretu s'ócupat de **torrai s'órdini pùbblicu**, cumprit **providimentus annonàrius**, abrexit **cantieris de trabballus pùbblicus**, e portat a innanti sa polìtica de is **àutus de unioni e cuncórdia**. Oramai furiat su momentu de **cuntratai cun su governu visurriali s'abolidura de su feudalésimu**.



MÀRCIA A CASTEDDU (06/1796)



Sa storiografia prus moderna cunsiderat sa nòmina de Angioy a *alternos* cumentis a una **trassa** po fai a manera de ddu stesias dae Casteddu e permiti a su visurrei e a is alas prus moderadas e cunservadoras de **indebbiliri a Angioy e is sighidoris suos** de s'ala prus arreformista.

Su 2 de làmpadas de su 1796 lassat sa citadi de Tàtari e si ponit in **màrcia concas a Casteddu** impari a unus cantu sordaus de scorta e a su **fiore de Logudoro**, is rapresentantis de sa classi dirigidora noa de su Logudoru, cumpónnia dae esponentis de sa nobbiltadi pitica, printzipalis e de su creru.

ANGIOY ACUSAU DE TRAITORIA (10/06/1796)

Angioy lompit in Aristanis s'8 de làmpadas. Su 9 **scritt a su visurrei e a is Stamentus po proponni s'abolidura de su feudalésimu cun su sistema de is riscatus** e, in s'incasu non fessint de acórdiu, proponiat sa **mediatzioni de sa Repùbblica Francesa**. Angioy ponit in mesu sa Frància poita in martzu **Napoleone Bonaparte** iat invàdiu e aterrau su Piemonti (**Campànnia de Itàlia**) e **su 15 de maju 1796** su rei **Vittorio Amedeo III** iat dépiu firmari sa paxi cun sa Frància.

Ma **su 10 de làmpadas 1796 Angioy est acusau de arta traitoria** e s'agatat custringtu a si **fuiiri** a lestru a Tàtari, e su merici de su 17 de làmpadas **s'imbarcat po sa terramanna**.



POLÌTICA DE ANGIOY E DE IS Oponidoris Suus

Angioy non poniat in duda s'istitutu monàrchicu, ma boliat feti **permiti in manera legali s'abolidura de su feudalésimu** chi dae séculus cundennàt sa Sardìnnia. Ma is istitutzionis, is nimigus polìticus e finas medas de is cumpàngius suos **iant interpretau su disinnu de Angioy cumentu unu àutu de arrebbèllia a su poderi.**

Nc'est de nai puru ca **su in prus de su partidu patriòticu**, chi a primu manu iat sustènniu o tollerau is polìticas suas, furiat comuncas cumpónniu dae baronis, podatàrius, borghesus e abogaus, chi **teniant su sustentamentu e su prestìgiu sociali e econòmicu** insoru pròpriu **dae su sistema feudali.**



ESÌLIU DE ANGIOY: SU CUNTATU CUN NAPOLEONE (07/1796)



Angioy si furiat imbarcau po sa terramanna su 17 de làmpadas 1796 e **furiat lómpiu in Livorno** impari cun is prus fidelis sustenidoris suos. **Iat circau deretu de s'arrelatai cun Napoleone po ddi pediri agiudu po sa càusa sarda.** Furiat arrennésciu a dd'agatai in **Castiglione delle Stiviere**, chi furiat assediendi, a sa fini de mesi de arxolas. In **Milanu** iat arrexonau finas cun is rappresentantis de su governu francesu e cun su corsicanu **Cristoforo Saliceti**, missu de **Napoleone**. Ma **is francesus no arrennescint a dd'agiudai**, sa situatzioni militari no ddu permitiat. S'ùnica cosa de bonu est ca **is francesus iant amparau a Angioy** mancai is arrechestas sabàudas de dd'arrestai. Scuncordada s'idea, **detzidit de torrai a Livorno.**

ESÌLIU DE ANGIOY: SA JUSTIFICATZIONI A SU REI (1796-97)



Cunventu de Santa Gruxi
(Casale Monferrato)

In **Livorno**, in su mesi de cabudanni de su 1796, Angioy cuncordat un'idea noa: **donai una justificatzioni sua a su rei**. Angioy non si boliat arrendi, ma **boliat marcai su sentidu de is avalotus popularis** e circai una **mediatzioni** po lompi a sa **solutzioni** de su **problema politicu e sociali sardu**. In su interis, su 16/10/1796 furiat mortu *Vittorio Amedeo III* e ddi sucediat **Carlo Emanuele IV**. Su ministru de su Strangeri piemontesu *Priocca* iat cuncédiu a Angioy unu *salvacondotto* po andai a Turinu. Angioy furiat asuta de s'amparu diplomàticu francesu. Móviu su 20/11 dae *Livorno*, **lompit su 06/12 in sa capitali sabàuda**. Angioy in Turinu nc'abarrat po 15 diis ma nemus dd'arritit, fìncias a candu su rei non ddi cumandat de **andai a Casale**, in su cunventu de is Agostinianus. Ingui scriit is memórias suas e ddas intregat a su rei. Ma no arritit peruna arrespusta.

ITA FURIAT ACUNTESSENDI IN SARDÌNNIA



1. Tàtari, Porta de Sant'Antoni (recostrutzioni)
2. Bastia (primus de su Noixentus)

- **Is angiojanus abarraus sighiant a aientai s'avalotu antifeudali de su pòpulu.** Ma su governu visurriali portat a innanti una **polìtica de arreprimidura**, e aciapat e processat medas de is sustenidoris de Angioy in su **tribunali speciali istituiu in Tàtari** e presidiu dae su jugi *Giuseppe Valentino*.
- In prus cun su billetu arrégiu de s'08/06/1796 **su rei Vittorio Amedeo III iat acetau is 5 Dimandas**, is normalizadoris divenint is bincidoris de sa batalla polìtica e funt is primus a sustenni cun fortza s'arreprimidura de is angiojanus.
- 10/1796: is inglesus lassant sa Còrsica e dda ócupat deretu *Napoleone*. Dae Bastia, **Juachinu Mundula** at a sighiri a aientai s'avalotu antifeudali e antipiemontesu sardu.
- **1797: révoca de is àutus de unioni e cuncórdia.**

ESÌLIU DE ANGIOY: SA FUIDURA DAE CASALE (06/09/1797)


Su **trabballu diplomàticu francesu** non portat perunu arresurtau, **su governu piemontesu sighet sa polìtica de arreprimidura in Sardìnnia e sighet a no bolli arriciri a Angioy**. Oramai in su beranu de su 1797 su tribunali speciali tataresu iat justitziau is angiojanus prus de importu. Imoi **Angioy** puru, incortau in *Casale*, **furiat in pirìgulu**. Furiat ora de si fuiri.

Is duus amigus fidelis **don Filìtziu Mulas Rubatta** e **Sarbadori Frassu** aprontant su **pranu de fuidura** e is **passaportus francesus** (otènnius dae su governu francesu). Don Filìtziu, pigada una **vetura postali** e trassau dae ofitziali francesu, su **06/09/1797** carrigat a sa cua a Angioy e ddu fait bestiri a issu puru a sa francesa. Sa vetura sighet su camminu suu de servìtziu postali sena de donai suspetus, passat prima in **Alessàndria** e a pustis **imbucat in Gènoa**, tandu ocupada dae is francesus. Lómpiu in Gènoa, **Angioy**, cun grandu dinnidadi, iat scritu a su ministru sabàudu *Della Valle* difinendi is motivus de sa fuidura sua e pedendi ancora de esaminai is justificatzionis.




ESÌLIU DE ANGIOY: IS ÛRTIMUS ANNUS A PARIGI

Oramai cumbintu de s'impossibbìlidadì de asselìai sa chistioni in manera legali cun is istituzionis piemontesas, dae imoi a innanti **Angioy** at a circaì in d'ònnia manera de **cumbinci su governu francesu de libberai sa Sardìnnia e istituiri una Repùbblica**, abandonendi is positzionis pragmàticas autonomistas e pighendi (o fortzis boghendi a campu) cussas **indipendentistas**. In su mesi de maju de su 1799 Angioy lompit in Parigi. Ingui si furiat arrelatau deretu cun su ministru de su Straneri **Talleyrand**, cun cussu de sa gherra **Bernadotte** e cun su generali **Dupont**. In particulari cun cust'ùrtimu at a arrexonai unu **pranu de conchista de sa Sardìnnia** e s'instauratzioni de una **Repùbblica**. Is informus funt scritus in s'òbera sua **Mémoire pour le rétablissement de la Sardaigne**. In su beranu de su **1800 Napoleone** furiat prontu po **invadi sa Sardìnnia** ma arrenùntziat po mori de depi andai a aterrai un'avalotu in Còrsica. **Angioy s'at a mroxi pòburu e solu su 23 de friaxu 1808** in *rue de Froidmanteau*, óspiti de sa fiuda *Dupont*.



S'ESILIU DE ANGIOY



IS SAVOJA IN CASTEDDU



Su rei *Carlo Emanuele IV* de Savoja

Is francesus ocupant su Piemonti dae s'armistitziu de *Cherasco* (28/04/1796), perou tollerant sa preséntzia de su rei. Ma cun **Carlo Emanuele IV** sa situatzioni si fùrriat e **is francesus ddu faint abdicai su 09/12/1798 e ddu lassant fuiri**, prima in Parma, apoi in Froréntzia, e agoa in **Sardìnnia**, amparau dae is inglesus. Su Piemonti tandu passat asuta de su controllu deretu francesu.



Villa d'Orrì, residéntzia istadiali de is Savoja in Sardìnnia (1799-1814)

Su 3 de martzu de su 1799 su rei **Carlo Emanuele IV** cun totu sa corti **s'apostat in Casteddu**. Su pópulu, brexosu de sa novidadi, si nd'at a acatai a lestru de sa diferéntzia intra s'imàgini de su rei e su chi est deaberu; difatis in pagu tempus at a **arremprasai is funtzionàrius sardus** cun cussus piemontesus e at a **artziai sa pressioni fiscali**. Perou at a cuncedi s'**amnistia a is angiojanus e bogai is impostas feudalis prus arbitràrias**.


SA SUDDITÀNTZIA POLÌTICA

Ma s'òutu chi politicamenti ddi portat prus pagu sétu de totus ddu cumprint is **Stamentus** etotu, oramai **monopolizaus dae normalizadoris e cunservadoris**. Su 29 de austu de su 1799 is Stamentus, cun una sùplica, **arrenùntziant a is prerogativas de autonomia chi iat cuncédu su rei Vittorio Amedeo III** cun su diploma arrégu de s'8 de làmpadas de su 1796, candu iat acetau (finalmenti) **is 5 Dimandas** nodias. Is dannus de custa scedda s'ant a biri in su benidori.


IS ÛRTIMUS AVALOTUS (1800-1802)

Is avalotus antifeudalis non furiant acabbaus. In su **1800** si pesant Tiesi e Santu Lussurzu, in cust'ùrtimu s'avalotu furiat promóviu dae **don Miali Obinu**, chi a pustis s'at a furi in Frància e at a divenni maistu a sa Sorbona, e in Parigi etotu s'at a mroxi.

Sa missiòni prus de importu perou dda aprontant in su **1802** is duus giacobinus sardus **Franciscu Cilloco** e **Franciscu Sanna Corda**, cun su bisu de **aterrai sa monarchia e istituiri una Repùbbrica Sarda federada cun sa Frància**. Su 13 de làmpadas de su 1802 sbarcant in sa praja de *La Crucitta* in Vignola e cun s'agiudu de is pastoris **conchistant is turris de s'Ìsula Arrùbia, de Vignola e de Lungoni** (chi divenit sa basi de cumandu).



Tumba de don Miali Obinu in su campusantu de Père-Lachaise (divisioni 11) in Parigi. Scroberta in su 2019 dae sa studiosa *Adriana Valenti Sabouret*.



Is turris ocupadas dae Cilloco e Sanna Corda in su 1802.

SA MORTI DE SANNA CORDA E CILLOCO (1802)

Sa revolutzioni gadduresa non durat meda. **Sanna Corda** est **traixiu** dae unu cumpàngiu suu, su bandiu **Pedru Mamia**, chi ddu cumbincit a bessiri dae su turri, innui a dd'abetai agatat is trupas arrégias de su **cav. Grondona**. **Sanna Corda si morit** fertu dae 75 carabinas su **19/06/1802**.

Scìpiu de s'acuntéssiu, **Cilloco** (chi poderàt sa turri de Vignola), **si fuit** in is montis de sa **Gaddura** innui perou **dd'aciapant** su 25 de arxolas 1802 e ddu impresonant in **Tàtari**. Oféndiu, scutu e scorau, **ddu bocint in su mesi de cabudanni 1802**, apicau po duas diis in foras de sa citadi.



Turri de s'Ìsula Arrùbia



Turri de Vignola



Turri de *Longonsardo*

S'OTUXENTUS

S'EUROPA NAPOLEÓNICA (1812)

Su 18 de maju de su 1804 **Napoleone Bonaparte** diveniat imperadori: dae ingui a innanti a ammanniai ancora de prus su controllu francesu in Europa, lompendi in su **1812** a s'espansioni **màssima de s'Impériu**. **Napoleone**, a pustis de cussu pranu de su 1800 tanti disillau dae Angioy chi a s'acabbada no iat cumprui, at a arrenuntzai po sèmpiri a sa Sardìnnia. Su 04/06/1802 **Carlo Emanuele IV** àbdicat in favori de su fradi **Vittorio Emanuele I**, sighendi a bivi in Sardìnnia.



SU CUNGRESSU DE VIENNA (1814-1815)

S'epopea napoleónica cumentzat a cedi a pustis de sa scunfita in sa **Batalla de Leipzig (1813)**, a pustis sa coalitzioni VI antifrancesa arrennescit a conchistai Parigi. **Napoleone est custrintu a abdicai** e si ndi andai in esiliu in s'Elba, innui passat is Centu Diis nodias. Su 02/05/1814 **Vittorio Emanuele I si ndi torrat a Turinu** e lassat a visurrei su fradi *Carlo Felice*. Su 30/05 cun su Tratau de Parigi su rei si ndi torrat a fai meri de su Piemonti. Dae su 01/11/1814 a su 09/06/1815 is poténtzias europeas cun su **Cungressu de Vienna** torrant a ponni is làcanas geopolíticas de s'*Ancien Régime*.



SA LIGÙRIA A SU RENNUNU DE SARDÌNNIA



Dae su Cungressu de Vienna su Rennu de Sardìnnia otenit sa bessida a mari tanti disillada: su 04/01/1815 sa Ligùria, cun su portu stratégicu de Gènoa, est incorporada in su Rennu.

IS ÛRTIMAS SCURRERIAS (1812-1815)

Su 20 de arxolas **1812** una flota tunisina de 9 nais de gherra atacat Quartu, Sant'Antiogu e su Sàrrabus. Totus is turris si mobìlitant po cuntrastai sa scurreria ma **is tunisinus conchistant cussas de s'Ìsula de is Càvurus e de Serpentara.**

Ancora in s'istadi de su **1815 is tunisinus torrant a atacai su Sàrrabus** e faint presoneris finas unus cantu messajus de sa zona.



Turri de Serpentara

S'ACABBU DE IS SCURRERIAS (1815-1816)



Edward Pellew, visconti de Exmouth


A pustis de su **Cungressu de Vienna** su Rennu de Sardìnnia iat torrau a abiatzai is arrelatus internatzionalis, tandu su rei **Vittorio Emanuele I** iat circau s'agiudu de Inghilterra e Rùssia po **cuntratai cun su bey de Tùnisi e is dey de Algeri e de Trìpoli s'acabbu de is scurrerias**. Sa missioni, gujada a sa fini de su 1815 dae **s'ammiràliu inglesu Exmouth** est unu sucessu: otenit sa libbertadi de cummèrciu e s'insediamentu de consolis a pari-pari; cuncordat **s'abolizioni de sa tzerachia** e su tanti de is riscatus de is tzeracus; otenit su permissu de pisca de su coraddu in is costeras tunisinas. Su **dey de Algeri** perou circat de frigai a is inglesus pighendi su dinari de is riscatus sena de libberai a is presoneris. Tandu **sa flota anglo-olandesa bombardat Algeri su 27/08/1816** e fortzat su **dey** a s'arrendi. Dae ingui a innanti is **scurrerias** ant a essi **sèmpiri prus pagu**, fincias a acabbai in manera difinitiva cun sa **conchista francesa** de s'Algeria in su 1830 e cussa de sa Tunisia in su 1881.

UNU MUNDU IN MUDADURA

Su mundu furiat mudendi a lestru, **sa Revoluzioni Francesa iat aboliu su feudalésimu su 04/08/1789**, invècias in **Piemonti** furiat tocau in su **1797**. S'Impèriu Tedescu dd'at a aboliri in su 1849 cun sa Costitutzioni de *Frankfurt am Main*. S'**Inghilterra** si ndi furiat giai scabbùllia in **1660** e in totu su Setixentus **iat giai cumentzau a introdusi sa proprietadi perfeta cun is *Enclosure Acts***. Gràtzias a cussus providimentus, sa **produtivadi de sa messaria** inglesa furiat **créscia de su 90%** dae su 1700 a su 1800, ponendi is basis po sa benienti Revoluzioni Industriali.



paisàgiu inglesu a pustis de s'enclosure



mapa de enclosure inglesa

SA SITUATZIONI SARDA

Sa **Sardìnnia** invècias furiat **acapiada a is istituzionis e is custumus feudalis**, chi **arrimmànt su svilupu de sa messaria e lassànt s'isula in una cundizioni de poburesa e arretradesa**, cumentis marcau dae is medas **stùdius** cumprius in cussus tempus (F. Gemelli, G. Cossu). Su in prus de is terras pertocànt a su **demàniu feudali (ademprìvius)**, e furiant afidadas a sorti a is messajus dae 2 a 5 annus, e sfrutadas ancora cun su sistema de arrodiu **bidatzoni-pobóri**. A cumentzai giai dae s'edadi spanniola, in su sec. XVII, si furiant svilupendi finas afidamentus a vida. In prus nci furiant puru is **propriedadis prenas**, pruschetotu in manu a nóbilis italianus e spanniolus chi, sendi su pròpriu trabballadas e/o pàscias dae su pòpulu, sighiant comuncas is sistemas agràrius fuedalis.



SA SEGUNDA STASONI ARREFORMISTA

A pustis de sa paréntesi arrevolutzionària, su governu piemontesu **torrat a pigai in manus sa situatzioni de sa Sardìnnia**, cun su bisu de podi **impunnai su sviluppu de s'ìsula** chi fìncias a imoi iat cumportau a issus prus spesas e problemmas chi intradas e vantàgius.

Ma in custa **segunda stasoni arreformista** is guvernadoris ant a agatai **medas barrancus**, a cumentzai dae is clàusolas de su **Tratau de Londra de su 1718** chi obligat a mantenni e no annoai *leges, privilegia, et statuta regni*. In prus totu **sa sociedadadi sarda furiat contrària a mudai su connotu**, dae is **feudatàrius** a is parlamentarìs de is Stamentus, chi si sustentant gràtzias a su sistema feudali, a **su pòpulu** chi, cumentì eus a biri, **non teniat is ainas e is resursas po sighiri su passu de is arreformas aici arrepentinas**, abarrendi vìtima de su sistema.



Is providimentus:

1820: Editu de is Tancas

1827: Códixi Felicianu

1834-1843: Abolitzioni de su Feudalésimu

1847: Fusioni Perfeta

1848: Statudu Albertinu

1865: Abolitzioni de is Ademprìvius

EDITU DE IS TANCAS (1820)

Su 06 de mesi de ladàmini de su 1820 su rei firmat s'**Editu de is Tancas** (pubbricau perou feti in su 1823 cun su rei *Carlo Felice*). **S'editu autorizàt a is meris a serrai is proprietadis insoru**. In is fatus perou si pesat un'anarchia fata de **ingiustìtzias e abusus** giai ca **non totus teniant is resursas po serrai is terrenus**. Difatis is pagus chi bantànt deretus de proprietadi (is nóbilis e calancunu borghesu) si nd'aprofetànt serrendi finas innui non ddis spetàt e obblighendi a pustis a is populanus a ddis pagai unu **afitu** po podi trabballai o pasci cussas terras chi iant sèmpiri imperau. **Dae custas tancaduras si sarbant feti 500.000 ètarus de ademprìvius**. Is populanus, vùtimas de custas ingiustìtzias, s'ant a furriai contras a su sistema sciuscendi murus, pesendi **avalotus popularis** ("Su Connotu" in su 1868) e finas torrendi a abiatzai su **brigantàgiu**. S'arreprimidura portada a innanti dae su governu at a essi violenta meda.



“tancas serradas a muru
fatas a s'aferra aferra
si su chelu fit in terra
l'aiant serradu puru”

(Melchiorre Murenu)

SU TESTU DE S'EDITU DE IS TANCAS (1820)

Regio Editto Sopra le chiudende, sopra i terreni comuni e della Corona, e sopra i tabacchi, nel Regno di Sardegna.

In data del 6 d'ottobre 1820, Torino

Il Re Carlo Emanuele, Avolo mio d'immortal memoria, fra le molte sue cure pel rifiorimento della Sardegna, manifestò il pensiero di favorire le chiusure dei terreni; principalissimo mezzo d'assicurare, ed estendere la proprietà, e così promuovere l'agricoltura. Convinti Noi di questa verità, già soggiornanti nell'Isola, Ci siamo applicati ad incoraggiare sì gran miglioramento, e l'anno scorso abbiamo poi creduto bene d'annunziare la legge, che si stava d'ordine nostro preparando. Ora col parere del Nostro Consiglio, di certa Nostra scienza, ed autorità Sovrana, ordiniamo, e stabiliamo in forza di legge quanto segue.

- I. Qualunque proprietario potrà liberamente chiudere di siepe, o di muro, o vallar di fossa, qualunque suo terreno non soggetto a servitù di pascolo, di passaggio, di fontana, o d'abbeveratoio.
- II. Quanto ai terreni soggetti a servitù di pascolo comune, il proprietario, volendo far chiusura, o fossa, presenterà la sua domanda al Prefetto, il quale nella sua qualità d'Intendente, sentito, in Consiglio raddoppiato, il voto delle Comunità interessate, procederà secondo le norme, che saranno stabilite.
- III. Qualunque Comune potrà esercitare sopra i terreni, che gli spettano in proprietà, gli stessi diritti assicurati ad ogni proprietario dall'art. 1 della presente legge.

SU TESTU DE S'EDITU DE IS TANCAS (1820)

- IV. Il terreno di proprietà del Comune trovandosi nel caso indicato nell'art.II, la deliberazione dovrà essere presa parimenti in Consiglio raddoppiato, e sottoposta al Prefetto nella sua qualità d'Intendente, per aspettarne le superiori deliberazioni.
- V. Colle stesse forme potrà il Comune, invece di chiudere i terreni di sua proprietà, deliberare il progetto di ripartirli per uguali porzioni fra Capi di Casa, o di venderli, o di darli a fitto; il tutto con quelle riserve, o condizioni, che saranno determinate a vantaggio degli stessi Comuni, e del Regno.
- VI. Quando fra un anno, dopo la pubblicazione della presente legge, il Comune non abbia deliberato il progetto di chiudere, o ripartire, o vendere, o dare a fitto, il riparto potrà essere chiesto davanti al Prefetto dai Capi di casa, in numero almeno di tre.
- VII. I terreni propri della Corona, e fra questi i derelitti, e gli altri vacanti, potranno essere venduti, o dati a fitto, o ceduti gratuitamente, od altrimenti assegnati in un modo conforme alle massime stabilite pel riparto dei terreni Comunali.
- VIII. In qualunque terreno chiuso sarà libera qualunque coltivazione, compresa quella del tabacco.
- IX. Sarà libera in tutto il Regno la vendita delle foglie di tabacco, la manifattura, la vendita e l'uscita del tabacco, mediante il pagamento dei dazi che saranno stabiliti.

Data dal Nostro Castello di Stupinigi, l'anno del Signore mille ottocento venti, e del Regno Nostro il decimonono, addì sei del mese d'ottobre. Vittorio Emanuele

CARLO FELICE (R. 1821-1831)



In su **1820-21** is **avalotus libberalis** sciogant in totu Europa, lompenti in **Piemonti** (ma non in Sardìnnia) **pedendi sa cuncessioni de una costituzioni**. Su rei **Vittorio Emanuele I**, contràriu a emanai una costituzioni, **àbdicat in favori de Carlo Felice** su 13/03/1821.

Carlo Felice furiat stétiu visurrei de Sardìnnia in is annus 1799-1816 e gai dae tandu iat impónniu unu **regimi téteru e autoritèriu**, tanti de ddi balli s'allomìngiu de *Carlo Feroce*. Intra de is providimentus suos prus de nodu arregordaus:

- **Strada Arriali Casteddu - Portu Turres** (1822-1829)
- **Códixi Felicianu** (1827): andat a aboliri sa Carta de Logu e cumentzat a cunformai sa lei sarda civili e penali a cussa piemontesa.

CARLO ALBERTO (R. 1831-1849)




CARLO ALBERTO,
Re di Sardegna, ecc. ecc.

Carlo Felice si furiat mortu in su 1831 sena de erederus, acabbendi sa lìnia dinàstica originali de is Savoja. Tandu ddi sucedit **Carlo Alberto** de s'ala de is *Savoia-Carignano*. Sa nova de su rennu suu perou no est tanti su càmbiu dinàsticu, cantu cussu polìticu. Difatis, a malas e a bonas, **est su primu rei a portai a innanti polìticas libberalis** (furiat in cuntatu finas cun *Giuseppe Mazzini*) e at a cuncedi una **Costituzioni su 04/03/1848: su Statudu Albertinu**, sa costituzioni flessìbbili chi at a abarrai in vigori fincias a su 31/12/1947.

Is intelletualis sardus biiant cun favori su rei nou e sperànt chi sa Sardìnnia puru podessit pigai parti a su **sviluppu libberali** cumentzau in is stadius de terramanna. Custu speru at a portai a pediri e otenni sa **fusioni perfeta** de sa Sardìnnia cun is stadius de terramanna in su **1847**.

ABOLIDURA DE SU FEUDALÉSIMU (1834-1843)



Féudus in su 1500 (non furiat mudau meda)

Imoi furiat su momentu de ponni manu, in manera dilicada, a sa **chistioni feudali**. In su **1834** est costitua una **Regia Delegazione** po **averiguai is réndidas feudalis e carculai su tanti de riscatu** de dónnia féudu. In su **1836** pùbblicant is **arresurtaus** ma is baronis non ddus acetant. In prus su 1u de làmpadas de su matessi annu funt **abolias is cùrias baronalis**, trocendi in manera difinitiva su poderiu jurisditzionali ancora in is manus de is feudatàrius. In su **1837** est costitua una **segunda Delegazione** po cuntratai sa chistioni impari a is feudatàrius. Totu custa atentzioni furiat pruschetotu po **non violai in manera dereta su Tratau de Londra (1718)** e evitai de aici de pesai unu certu internatzionali, pruschetotu cun sa **Spànnia** innui biviant is feudatàrius prus mannus.

ABOLIDURA DE SU FEUDALÉSIMU (1834-1843)

In su **1838** si lompit a unu **acórdiu**.

Su riscatu po is feudatàrius furiat:

- una parti in **dinari** contanti;
- una parti in **tìtulus de stadu** cun réndida a su 5%;
- arreconnoscimentu de **propriedadi prena de immóbilis** chi non fessant in su demàniu feudali.

Is oberatzionis acabbant in su **1843**.

Su **féudu de Cirra**, in manu a s'areu de is **Osorio**, est riscatau cun sa **Carta Reale** de su 14 de mesi de idas de su 1839.



FUSIONI PERFETA (30/11/1847)



In su mesi de donniasantu de su 1847 una delegatzioni de **rapresentantis de is tres Stamentus Sardus** atóbiat in Gènoa su rei **Carlo Alberto** e ddi presentat s'arrechesta ofitziali de procramai s'**unioni perfeta** de s'ìsula cun is stadus sabàudus de sa terramanna.

Su sentidu a fundamentu de custa arrechesta furiat su **cumbincimentu de una parti manna de sa sociedadadi intelletuali sarda ca scéti sa política sabàuda podiat assegurai su sviluppu civili de sa Sardìnnia**, ma pruschetotu sa **possibbìlidadadi de ammanniai e liberalizai su mercäu sardu** e de si ndi scapiat dae is dàtzias e dae is àterus barrancus cummercialis.

Su 30/11/1847 **su rei approbbat sa fusioni perfeta** e su 01/10/1848 **cessant totus is istituzionis de su Rennu de Sardìnnia**, su visurrei, is Stamentus, s'Audéntzia Arriali e is ùrtimas leis abarradas. Sa Sardìnnia imbucat in sa lega doganali italiana impari a su Granducau de Toscana e su Stadu de sa Crésia. Cessant finas is measuras sardas, arremprasadas dae su sistema métricu deximali.

CUNSIGHÉNTZIAS DE SA FUSIONI PERFETA



Su Stadu, in su **processu de acentramentu** e arreforma suu, iat giai sbuidau a bellu a bellu is istitutzionis particularis de su Rennu Sardu, ma **cun sa fusioni perfeta su Rennu perdit in manera difinitiva s'autonomia sua** e, prus in generali, sa sugetividadì jurìdica, politica e culturali sua.

S'arrelatu nou intra de Sardìnnia e Stadu centrali giai dae primu manu **pendit concas a is interessus italianus**, e sa cosa at a impeorai ancora de prus cun s'Unificatzioni Italiana, portendi a su nascentu de sa **Chistioni Sarda**.

Su campu socio-culturali sardu cumentzat a **assimilai is modellus culturalis italianus**, antetotu cun sa lìngua italiana chi arremprasat cussa sarda in is classis artas de sa sociedadì.

In prus sa fusioni, cun s'imbucada de sa Sardìnnia in sa **lega doganali italiana** e sa liberalizatzioni de su mercäu sardu at a permiti siat s'esportatzioni de trigu e peddi ma pruschetotu s'**imbucada de is genoesus, finantziaus dae Cavour**, chi ant a sfrutai is **minas** e is **padentis** sardus, po fai is **traversinas** po is bias de ferru piemontesas, non sardas. A is genoesus s'aciungint finas is talliantinus e **craboneris toscanus** chi ant a acabbai de sperdi is padentis. Custas cunsighéntzias ant a portai medas de is intelletualis chi prima si furiant fatus promovidoris de sa fusioni perfeta a si ndi pentiri, su primu est Juanni Siotto Pintor chi at a nai: «**Errammo tutti, qual più, qual meno**».

UNU CORANTOTU PARALLELU

Su **malèssiri económicu e sotziali** non furiant comuncas acabbau. In **Tàtari** is studiantis universitàrius si furiant furrius su 17 e 18 de martzu po una distributzioni prus justa de su trigu cuncédiu dae su rei, po providimentus de diminuidura de sa disocupatzioni e po nci bogai unus cantu funtzionàrius. Àterus **avalotus** in Domusnoas, Teulada, Itiri Cannedu, Nùgoro, Otieri, S'Alighera, Piaghe. In Gùspini iant arrogau is pesos e is measuras deximalis. In Caraluforti dda teniant contras a su jugi de mandamentu. In Cùlleri contras a is impostas. Ma sighiant finas is **protestas contras a s'Editu de is Tancas (1820)**. In dónnia manera, **su Corantotu Sardu est unu fenómenu locali** de sa Sardìnnia, no acapiu a cussu europeu.



TRESCOLORIS, STATUDUS E GHERRAS

Su 4 de martzu de su 1848 su rei *Carlo Alberto* promulgat su **Statudu**: su Rennu divenit una monarchia costitutzionali. Su 23 de martzu su trescoloris divenit bandera ofitziali de su Statu e sa dii in fatu su **Rennu de Sardìnnia-Piemonti de crarat gherra a s'Impèriu Austrìacu**. Mancai **is sardus** fessant **esentaus dae sa leva militari**, gràtzias a unu privilègiu de edadi spanniola, assumancu **1192** furiant móvius po cumbati in sa **Primu Gherra de Unificatzioni Italiana**. Su in prus de is chi moviant furiant **jòvunus** alientaus dae sa propaganda de “indipendèntzia” italiana o chi disillànt de bessiri unu pagu dae s'isula po connosci unu pagu de mundu. A pustis de sa **scunfita in Novara**, *Carlo Alberto* àbdicat su 24/03/1849 in favori de su fillu **Vittorio Emanuele II**. Sa partecipatzioni in sa **Segunda Gherra (1859)** at a divenni aici manna ca is **universidadis** sardas serrant po totu s'annu.



Primu Gherra de Unificatzioni Italiana
(23/03/1848-22/08/1849)



Segunda Gherra de Unificatzioni Italiana
(27/04/1859-12/07/1859)

EVOLUTZIONI DE S'UNIFICAZIONI ITALIANA



Sa Segunda Gherra de Unificatzioni permitit in su 1859 s'annessioni de sa Lombardia. In su 1860 sa Toscana e s'Emilia-Romànnia s'aunint a su Rennu de Sardìnnia-Piemonti, a pustis s'aciungint Marcas e Ùmbria. In su interis *Giuseppe Garibaldi* cun sa Speditzioni de is Millas conchistat su Rennu de is Duas Sicìlias. **Su 17 de martzu de su 1861 su Parlamentu de su Rennu procramat a *Vittorio Emanuele II* rei de Itàlia.** In su 1866 cun Sa De Tres Gherras de Unificatzioni Italiana (1866) annetint su Vènetu e una parti de su Friuli. In su 1870 s'Unificatzioni Italiana est cumpria cun sa conchista de su Stadu de sa Crésia e de **Roma** chi, su 3 de friaxu de su 1871, divenit capitali de su Rennu de Itàlia.

LEIS E CENSIMENTUS

Leis Siccardi (1850): abolius is privilégius de su creru, est a nai:

- foru eclesiàsticu;
- deretu de asilu;
- “manumorta” (esentzioni fiscali asuba de is immóbbilis).

Abolidura de is dégumas (1852).

Decretu Rattazzi (1859): partzidura de sa Sardìnnia in is duas provìncias de Casteddu e Tàtari.

Censimentu de su 1861: ab. Sardìnnia 588.064, dens. 24,5 ab./km² (87,2 μ IT).

Leis “eversivas” (1866-7): abolitzioni de is cungregatzionis religiosas chi non funt ativas e incameramentu de is benis insorus.

LEIS MINERÀRIAS (1859)

Mancai giai dae su séculu XVIII nci fessat un'**economia minerària**, est cun is **leis de su 1840 (distintzioni de sa proprietadi de sa terra dae s'asuta-de-terra)** e de su **1859 (cumpeténtzia ministeriali de s'asuta-de-terra)** ca si svilupat mellus su setori. **Su in prus de su capitali investiu perou non furiat sardu**, un'ecetzioni furiat Juanni Antoni Sanna chi in su 1848 iat oténniu sa cuncessioni perpétua in Jenna Serapis (*Montevecchio*). In su 1868 arribbat sa dinamiti, faendi prus profitevolis is circas mineràrias. Mancai su grandu impìnniu tecnològicu, **is minadoris sighiant a trabballai in logus pirigulosus e in situatzionis de sfrutamentu.**



Jenna Serapis
Montevecchio

BIAS DE FERRU (1862)

Sa Sardìnnia abarrat s'ùnica terra de su Rennu de Itàlia sena de bias de ferru. Sa primu dd'abrexint in su 1862 e furiat sa linia Santu Lioni - Sa Maddalena (Cabuderra), costruia dae privaus. In su matessi annu una **truma de investidoris italianus e inglesus** cun a cabu *Gaetano Semenza* fait una **cunventzioni cun su governu italianu** chi si impinnàt a ddis lassai **200.000 ètarus de ademprius** a sa sociedadadi anónima benidora po fai 400 km de bias de ferru intra de unus cantu annus. Su 2 de làmpadas de su **1863** nascit in Londra sa **Compagnia Reale delle Ferrovie Sarde**.



↑ cartellu cummemorativu de sa primu bia de ferru de Sardìnnia (1862)

← bias de ferru in su Rennu de Itàlia (1860)

ABOLIDURA DE IS ADEMPRÌVIUS (1865)

A pustis de s'Editu de is Tancas **furiant abarraus 500.000 ètarus de ademprìvius**, is terras a cumoni, **cunsideraus ancora cumentì a unu barrancu a su svilupu produtivu e econòmicu de Sardìnnia**. Su governu piemontesu aprofetat de sa benidora costruzioni de is bias de ferru sardas po cumentzai a aboliri cust'ùrtimu arrastu de edadi mesuevali. **Cun sa lei n. 2252 de su 23 de abrilì de su 1865 is ademprìvius (impari a is deretus de cutzorxa) funt aboliis e dónnia Cumunu ddus depiat lotizai e ponni in béndida**, prima perou de ai bogau in totu **200.000 ètarus asseguraus a sa CRFS**. A comporai is lotus furiant pruschetotu is borghesus chi, acumprendi sa proprietadi perfeta, privànt perou **su pópulu**, pruschetotu is prus pòburus, de s'ùnica possibbìlidadì de sustentamentu chi teniant.



Nuraxi Corvos (Fiolinas)

IS 200.000 ÈTARUS

Cussus 200.000 ètarus depiant serbiri a finantziai sa *Compagnia Reale* po costrui is bias de ferru. Sa contravétzia est ca in su interis chi **in Itàlia is bias de ferru furiant finantziadas dae su Stadu** etotu (e is sardus puru pagànt is impostas po cussas), **in Sardìnnia su Stadu non si ndi boliat fai càrrigu e, antzis, iat impónniu su costu e s'arriscu de s'òbera totu in pitzus de is sardus etotu**, privendideddus in manera autoritària de su sustentamentu de primori chi furiant in pràtica is ademprìvius. **Medas Cumunus iant propónniu soluzionis differentis:** Onanie, Garofai, Talana e Orthullé proponiant de non cedi prus de 100.000 ètarus; Tretenii, Posada e Oniferi pediant de torrai a biri su tretu progetau po sa bieferru e chi is ademprìvius cédius fessant indennizaus beni; **su prus radicali furiat Santu 'Idu (2813 ab.) chi cunsillàt de non cedi mancu un'ètaru**, pròpriu poita su pastoriu, sena de ademprìvius, non podiat bivi.



TORRAMUS A SU CONNOTU (1868)



In Barbaxa e Ollasta **sa pobulatzioni si furiat furriada a s'abolidura de is ademprìvius**. Su 26 de abrili de su **1868** in **Nùgoro Paschedda Zau** movit s'avalotu aboxinendi "**Torramus a su connotu!**", is paesanus iant arrogau su portali de sa domu cumunali, pinnigau is armas de sa Guàrdia Natzionali e abruxau is paperis de partzidura de su sartu de Sa Serra. Custus acuntéssius furiant lómpius fintzas in Parlamentu chi tandu iat cummissionau s'**Arrelata Depretis**, mai cumpria. A cussa iat sighiu sa de Franciscu Salaris (**Arrelata Jacini**). Sa situatzioni amostada furiat lègia.

SU SDEGOLLU DE IS PADENTIS

Giai dae is **primus de su Setixentus** furiat cumentzau su **sdegollu de is padentis sardus**. Sa **Fusioni Perfeta de su 1848** iat allestrau su processu faendi benni is **geneosus a segai linna po fai is traversinas po is bias de ferru piemontesas**. Ma s'acabbu si ddu donat s'**abolidura de is ademprivius** cun s'**acorturadura** de medas logus de padenti. Segundu is stimas **sa Sardìnnia asuta de is Savoja at pérdiu de 4/5 de sa sienda de padenti sua**. Is cunsighéntzias funt dramàticas a livellu ambientali, **Gramsci** scriiat: *«L'Isola di Sardegna fu letteralmente rasa suolo come per un'invasione barbarica. Caddero le foreste. Che ne regolavano il clima e la media delle precipitazioni atmosferiche»*



Pranu de Campeda


COSTRUZIONI DE IS BIAS DE FERRU (1864-1883)



Su progetu po s'arretza de bias de ferru de sa CRFS ddu sighiat s'ingenneri gallesu **Benjamin Piercy**.

In su 1864 cumentzant is trabballus cun 5000 oberajus in totu in is cantieris de Casteddu, Aristanis e Tàtari. In su 1871 abrexit su primu tretu dae Casteddu a Bidd'e Sorris. Su guvernu, non meda cumbintu de sa resa de cust'òbera, dda firmat. Medas polìticus (finas *Garibaldi*) si mobilitant po scioli sa situatzioni e nc'arrennescint, faendi torrai a movi is trabballus. In su 1883 su progetu est acabbau, cun 400 km de bias de ferru.

IS MINAS DE SÀRRABUS E GERREI



Sa stória minerària de Sàrrabus e Gerrei si svilupat po **mineralis diversus** e in tempus diversus ma cumpartzendi sèmpiri su matessi **macrogiacimentu**.

- **Gerrei: antimóniu** - primus circas in su 1796 (Corti Arrosas), 1854 (Su Suèrgiu), 1889 (Breca).
- **Sàrrabus: zincu, prumu, prata** - primus cuncessionis in su 1851 (Gibbas, Pedd'e 'Atu, S'Ómini Mortu e Cann'e Frau), 1860 (Bruncu Molentinu), 1871 (Mont'e Narba e pertocantis), 1882 (Is Crabus), 1888 ca. (minas de s'Arriu de s'Ollastu).


De notu finas sa mina de **Bacu Locci** innui bogànt **arsenopiriti**. Invècias sa bogadura de sa **fluoriti** in **Silius** cumentzat in su Noixentus.

BENA DE PRATA SARRABESA



Su **minerali de prata** bogau teniat una **réndida spantosa**, de assumancu 1 kg/qt contras a sa média mundiali de 200g/qt. Is puntas prus artas ddas iant assentadas in sa bena de Bacu Arrodas.


SA MINA DE MONTI DE NARBA



Fàcias a su **1870** nascit sa **Società Anonima delle Miniere di Lanusei** po arbìtiu de unus cantu **investidoris genoesus**. In su 1872 faint domanda po sa cuncessioni minerària in **Monti de Narba** e in su **1874** si dda acetant e **sa mina cumentzat is trabballus**. A pustis s'aciungint is cuncessioni de Juanni Bonu e Bacu Arroddas e Masaloni. Asuta de sa guida de s'ingenneri **Gian Battista Traverso**, sa mina lompit, giai in su 1876, a tenni 300 oberajus e bogai 200 tn de minerali. In su 1882 àrtziant a 1444 tn e is oberajus a 936. In su 1881 pesant sa **laveria**, in su 1890 su **spidali** e in su 1892 su **Putzu Mannu** (fundudu 45 m asuta de su livellu de su mari). In totu iant scorrovau **14 livellus de gallerias** po unu **dislivellu de prus o mancu 470 m** e unu **totali de 18 km de longhesa**. In sa mina si furiat svilupau unu **biddatzolu cun totu is servìtzius**, divenendi unu **riferimentu po totu su Sàrrabus**.

Ing. Giovanni Battista Traverso

SA MINA DE MONTI DE NARBA



1929

UNA BIA DE FERRU PO SU SÀRRABUS (1872)

Su **deputau Gisepu Sanna-Sanna** in cussus annus faiat balli, siat in Parlamentu chi in is giornalis, is bideas e is progetus suos de **costruiri un'arretza de bias de ferru in Sardìnnia**. Issu proponiat de imperai su **sistema Larmanjat** (prus económicu) po costruiri sa lìnìa **Casteddu - Làconi (110 km)** e cussa **Casteddu - Tortolì (140 km)**. In is arrelatas suas, precisas meda, amostàt ca cussus progetus podiant torrai a contu e meda puru. Po cumpriri custus progetus teniat prontu unu impréstitidu de 12 milionis de francus dae sa Provìncia, ma prus a tardu **ant a bullai su progetu suu**.



sistema *Larmanjat*

ÒBERAS IN SANTU 'IDU

In custus tempus pesant òberas pùbblicas e privadas de importu mannu:

- *Strada Nazionale Orientale* (cun su Ponti de Seti Bucas);
- Ponti de Frùmmini Uri (1879);
- Domu de Camboni, sa Domu Cumunali e àterus palàtzius;
- Annoadura de sa crésia de Santa Maria de Òrrea (1890,) po boluntadi de s'ingenneri de sa mina de Mont'e Narba *Bartolomeo del Rosso*;
- In cussus annus esistiat unu ponti de linna in su Frumindosa (1894).




SU PRESONI DE CASTIADAS (1875)

S'11 de austu 1875, **30 presoneris** e 7 guàrdias, gujadas dae **Eugenio Cicognani**, sbarcant in **Cala Sintzias** po **pesai una colónia penali agrìcola**. Lómpius in **Praidis**, cumentzant a pesai su fàbbricu de su presoni; s'annu a pustis nci furiant giai 300 presoneris cun esperiéntzia de maistu de muru. A bellu a bellu si bonìficant is terras, si ponint a cortura, e po partziri mellus su trabballu si faint **10 distacamentus**. Nci furiant totus is servìtzius e sa colónia furiat autosuficienti; su in prus chi produsiant ddu bendiant.




IS BIAS DE FERRU SEGUNDÀRIAS (1886)



Medas zonas de Sardìnnia abarrànt sena de bias de ferru, tandu in su **1886** bessit una lei po cuncedi sa **costruzioni de is bias de ferru secundàrias**, fatas a scartamentu de 950 mm, prus económicu de cussu de 1425 mm (CRFS). Mancai sa CRFS tenessit deretu de prelatzioni, su guvernù fait una **gara aberta a livellu europeu** e participant in 3: sa CRFS, sa SFSS e una socièdadi belga. Bincit sa socièdadi italiana **Strade Ferrate Secondarie della Sardegna** chi cumprit su progetu in su 1894, 3 annus in antìcipu dae sa scadéntzia. Difatis is contus nant ca is oberajus arrennesciant a ponni 300 m de rotaja a sa dii. A s'acabbu s'**arretza SFSS furiat longa 590 km**.

s'arretza SFSS in birdi (950 mm)
apillada cun cussa CRFS (1425 mm)

IS EFETUS DE SU PROTETZIONISMU (1887)




Is cummèrcius in su Mediterràneu antis de s'imbuca da de su protetzionismu.

Cunforma a sa **tendéntzia europea**, s'Itàlia puru ponit su **protetzionismu** po amparai is indùstrias chi furiant nascendi e **sminguai is importatzionis** de trigu e tzùcuru dae is **Stadus Unius** (1887). Cun su cumentzu de su **governu Crispi**, **s'Itàlia s'alliat cun Germània e Àustria** e si ndi stésiat sèmpiri de prus dae sa **Frància**, cunsiderendidedda una **minàcia po is interessus italianus in su Mediterràneu**. In su 1888 cumentzat sa **gherra doganali cun sa Frància**, chi andat a favoressi su Nord industrializau e s'indùstria minerària ma **penalizat s'Itàlia de Bàsciu e sa Sardìnnia** cun un'economia agropastorali de esportatzioni.

Sa Sardìnnia esportat in Frància binu, petza, fruta e casu. Is 10 annus de **serrada protetzionìstica** de is arrelatus cummercialis cun sa Frància portat a su **fallimentu de su in prus de is aziendas agrìcolas** chi sa borghesia furiat svilupendi in Sardìnnia.

IS GRANDIS GIORNALIS (1889-1891)

Su 13 de mesi de ladàmini de su **1889** nascit su giornali **L'Unione Sarda** dae s'arbìtiu de intelletualis e politicus casteddajus cumentis a **Franciscu Cocco Ortu** e medas àteru, po condusi sa campànnia eletoralis po is cumunalis de Casteddu, bintas perou dae Otoni Bacaredda. A sa pròpriu manera e cum is matessis finis nascit su giornali **La Nuova Sardegna** su 9 de austu de su **1891** dae s'arbìtiu de Erricu Berlinguer (nannai de s'omónimu politicu) e Pedru Satta Branca, chi ant a divenni sindigus de Tàtari in cussus annus.



SA BARDANA DE TORTOLÌ (1894)

Su noti intra de su 13 e 14 de donniasantu una banda de **70 bandius** serrat is bias de imbucada in Tortolì, unus cantu movint concas a sa domu de su **cav. Vitóriu Depau** e in su camminu sparant a duus carabinieri chi si sarbant e avisant de su fatu in caserma. In su interis cumentzat su **derrobbu de sa domu**, cav. Depau non nci furiat ma nci furiant sa pobidda, su babbu de issa, su fillixeddu, duas serbidoras e tres tzeracus. Su tzeracu Olla circat de defendi sa domu ma is bandius ddu bocint, in su interis is àterus familiaris iant acutu a si cuai. Is bandius, furau totu su possìbbili, si ndi andant aboxinendi «*Bandiera di Tortolì. Contentezza. Portafoglio*». Medas perou ddus arrestant. **Su fatu lompit in Parlamentu** e *Crispi* cummissionat a **Franciscu Pais Serra** un'arrelata.



FRANCISCU COCCO ORTU



S'arrelata de Franciscu Pais Serra iat donau parìcius cunsillus, a pustis incruius in sa lei de su **1897** incingendi su tempus de sa **legislatzioni speciali po sa Sardìnnia**, cun su bisu de asseljai sa **Chistioni Sarda** nodia.

A ndi sighiri sa lìnìa polìtica est su polìticu sardu prus forti e nodiu de s'Otuxentus: **Franciscu Cocco Ortu**. Deputau dae su 1876 a su 1924 e duas bortas ministru de sa Messaria, sustenidori de sa **Manca Stórica** e de *Giolitti*. Pigat parti in su **1914** a su **Cungressu de Castel Sant'Angelo**, est a nai su **primu cungressu regionali sardu**, innui s'arrexonat de is **problemas** e de is **solutzionis** po sa **Chistioni Sarda**.



Incarca po ligi is àutus de su Cungressu de *Castel Sant'Angelo* (1914).

“CACCIA GROSSA” (1899)

In su 1897 *Alfredo Niceforo* marcat unu **triangulu in is Barbaxas** cumentu a "**zona delincuenti**". In su 1899 su governu *Pelloux* si detzidit de asseljai su problema de sa criminalidadi sarda mandendi is militaris. **Su noti intra de su 13 e su 14 de maju sa justìtzia arrestat agiumai 1000 nugoresus e lacanantis** (medas in beridadi ddus libberant deretus). Sa cundenna peus dd'aciapat "sa reina", sa sorri de is fradis **Jacu e Elias Serra Sanna**. Is duus fradis furiant is bandius prus nodius de su tempus. Is militaris ddus iant aciapaus e mortus in su **pamenti de Morgogliai** (Orgòsolo) gràtzias a su trabballu de infiltrau de su brigaderi bororesu *Lussùrgiu Cao*. Su contu de cussas oberatzionis est scritu in su libru **Caccia Grossa** de *Giulio Bechi*.



IS SARDUS: UN'ARRATZA INFERIORI

Cumentis eus giai nau, dae sa **Fusioni Perfeta (1847)** a sighiri, **sa Sardìnnia perdit s'autonomia** cumentis a *regnum* **e sa sugetividades jurìdica, polìtica e culturali sua**. Cun su cuncetu de **stadu-natzioni** sa sociedades (intelletuali) cuncepit su bisòngiu de **omogeneizai is caràteris etno-culturalis de su rennu sardu-piemontesu**. A agraviai su processu perou s'aciungint is **bideas positivistas** de cussu tempus chi portant a pesai una **gerarchia intra de is etnias-culturas** e cunforma a sa gerarchia furiat **legitimada s'imposizioni de un'identidadi in ponti de un'àtera**. Is matessis premissas ant a portai a su **colonialismu** europeu in Àfrica. Is stùdius fatus dae **is piemontesus** in Sardìnnia imprassànt custas bideas e **poniant is sardus in una posizioni de subordinariedadi**. **Carlo Baudi di Vesme** proponiat in su 1848 de «*proibire severamente l'uso dei dialetti sardi per incivilire quella nazione*» cunsiderendi sa **cultura natzionali sarda inferiori**, de scarvai dae fundu, po imponni tandu sa **cultura natzionali italiana cunsiderada civili e suberiori**.



"Un'altra innovazione in materia d'incivilimento della Sardegna e d'istruzione pubblica, che sotto vari aspetti sarebbe importantissima, si è quella di proibire severamente in ogni atto pubblico civile non meno che nelle funzioni ecclesiastiche, tranne le prediche, l'uso dei dialetti sardi; prescrivendo l'esclusivo impiego della lingua italiana. È necessario inoltre scemare l'uso del dialetto sardo ed introdurre quello della lingua italiana anche per altri non men forti motivi; ossia sì per incivilire alquanto quella nazione, sì affinché vi siano più universalmente comprese le istruzioni e gli ordini del Governo"

Carlo Baudi di Vesme

IS SARDUS: UN'ARRATZA INFERIORI

Cussa inferioridadi culturali a pustis s'acàpiat cun is **teorias positivistas pseudo-scientificas de sa fisionniómica, de su darwinismu sociali e de sa frenologia** espressadas in is stùdius de su francesu *Gillebert d'Hercourt*, de is italianus **Lombroso, Ferri, Sergi, Niceforo** e finas de su sardu **Paùlu Orano** (chi at scrittu *Psicologia della Sardegna* in su 1896), chi ant a ponni sa chistioni in unu pranu ratziali cumpriu. **Is teorias insoru cunsiderànt is sardus, pruschetotu cussus barbarixinus, cumentu a sa peus arratza de delincuentis e criminalis in Europa, e in generali incapassus de progrediri a solus.** Funt custas is premissas de s'ódiu ratziali chi at a portai a su Bocidorxu de Itri in su 1911 e a totus is àterus acuntéssius de ódiu, espressaus cun s'allomigiadura de is sardus cumentu a **sardignoli**.



IS SARDUS: UN'ARRATZA INFERIORI

Sa **reatzioni sarda** a custus stùdius perou est cuntrastanti, giai chi **sa classi dirigidora sarda etotu at a ponni in menti a custas bideas** cumentzendi unu processu de **auto-ratzismu, auto-colonizatzioni, sardu-masochismu** e **disisperu** chi bieus oindii. A dolu mannu finas su benidori **Partidu Sardu** at a incruì personalidadi cun custas bideas, a cumentzai dae **Pàulu Orano** etotu (chi a pustis si nd'at a andai in su **PNF**), ma finas **Lussu e Bellieni** ant a cunsiderai sa **Sardìnnia una natzioni faddia e autia**.



Pàulu Orano



Emìliu Lussu



Camillu Bellieni

SU NOIXENTUS

SU BOCIDORXU DE BUGERRU (05/09/1904)

Su 5 de cabudanni de su 1904 **is minadoris de Bugerru pesant unu sciòperu** contras a sa scedda de su diretori *Georgiades* de anticipai s'oràriu de trabballu in su periudu de ierru. Una truma de minadoris s'atripat cun is **militaris** chi tandu sparant **bocendi 3 óminis e ferrendidendi 11**. A pustis de s'acuntéssiu, in totu sa Sardìnnia **si spàinant ideas socialistas** e si pesat sa cuscéntzia de classi proletària. Su Bocidorxu de Bugerru s'aciungit a àteras arreprimiduras in Itàlia (*Milanu, Cerignola, Castelluzzo*) e portat su 15 de cabudanni a su **primu sciòperu generali de is trabballadoris** de su stadu italianu.



IS AVALOTUS DE SU 1906

Sa **pressioni fiscali**, su **caruvida**, su **sfrutamentu** de is trabballadoris **portat sa pobulatzioni de Casteddu a si furriai su 14 de maju de su 1906**. In pagu tempus is protestas si spainant in **totu Sardìnnia**, Quartu, Quartùciu, Gonnesa, Nébida, Santu 'Idu, Bidd'e Sartu, Thiniscole, Bonorva e medas àterus logus. Nci funt mortus e fertus. Su governu *Sonnino* si dimitit e cumentzat su de tres de **Giolitti**; su governu nou est custrintu a abasciai is oras de trabballu, artziai is pagas, diminuiri su trabballu minorili e bogai unas cantu impostas. In prus est constitua una cummissioni parlamentari.



S'AVALOTU DE SANTU 'IDU (1906)

“Ieri mattina verso le nove è cominciato un accorrere di contadini ed artigiani verso la Piazza Sant’Antonio... ben presto si è organizzata una manifestazione contro l’amministrazione comunale per i balzelli imposti e per altri pasticci esistenti nell’amministrazione stessa. È un miscuglio di uomini, donne, fanciulli e tutti gridano imprecano girando le vie del paese... assalgono l’ufficio del Dazio Consumo, bruciando i registri e tutti gli arredi. Di qui passano alla casa comunale, ove l’egregio brigadiere signor Canu e un carabiniere con coraggio e costanza cercano di impedire il passo, ma i bravi militi sono sopraffatti dalla sassaiola di quell’orda dilaniatrice, composta di centinaia di malviventi, armati di nodosi bastoni, picconi e altri arnesi offensivi. Sono venti, sono trenta, sono cento, sono innumerevoli braccia indemoniate che rompono e lanciano giù tavoli, sedie, armadi, scaffali [...] davano fuoco a tutto, compresi i soffitti”

L’Unione Sarda de su 23 de maju de su 1906 (arresùmini de su 20/05/1906)

S'AVALOTU DE SANTU 'IDU (20/05/1906)

In Santu 'Idu 4000 personis si furiant pinnigaus e iant postu fogu a sa domu cumunali. Ma a protestai non furiant is minadoris cumentis in totu sa Sardìnnia, ma su in prus pastoris e messajus sena de terra, chi si chesciànt de s'amministratzioni cumunali chi ddis imponiat sa paga de is afitus de is pasturas in is terras cumunalis. A pustis de 40 annus sa chistioni de s'abolitzioni de is ademprìvius (1865) sighiat a pesai problemas. Is ùnicus minadoris chi iant pigau parti a s'avalotu furiant Jisepu Cossu e Antoni Cóngiu. Custu **poita sa classi de is minadoris sarrabesus gosàt de una cundizioni de vida "mellus"** e non dda boliat perdi in peruna manera, **cunfrontas a su mundu agropastorali e a su mari de giorronaderis** (93% de sa pop. in su censimentu de su 1911). Finas in unu momentu de aici dilicau su de bolli poderai su *status quo* iat bintu cumportendi scórrius lègius in sa comunidadi santuïdesa, intra is "avalotadoris" e is "citadinus civilis".



S'AVALOTU DE SANTU 'IDU (20/05/1906)



nai de gherra *Agordat*
(1900-1923)

Sa dii etotu **furiat sbarcada in Portu Coraddu sa nai de gherra *Agordat*** cun su batalloni de fanteria cumandau dae su Tenenti Coronellu *Pietro Terziani*, po **ponni órdini** iat agiudau finas unu plotoni de carabinieri cumandaus dae su Tenenti *Urangia* e sa cumpangia de barracellus de su logu puru. Su **dannu mannu de s'avalotu** non est stétiu tantis a is personis ma pruschetotu **a sa sienda cumunali**, cunsiderada sinnu de de angarias e maluguvernu. Su fogu iat destruiu s'ofitziu de conciliadura e sa segreteria cumunali, portendi a sa derruta de sa crabertura... ma pruschetotu **is arcivus** innui si pentzat chi fessant allogaus documentus stóricus ùnicus e antigus meda. Santu 'Idu chi at sèmpiri bantau una stória antiga meda, sa dii dd'at bia sparessi.

S'AVALOTU DE BIDD'E SARTU (27/05/1906)

Su merici de su 27 de maju de su 1906, in Bidd'e Sartu, a pustis de is ballus de su domìnicu, prus de 250 personis si furiant pinnigadas in Pratzza de Forreddu. Is carabinieri iant probbau a saliai sa genti ma sa situatzioni si furiat furriada e is militaris iant cumentzau a sparai bocendi 5 personis e ferrendidendi medas àteras. Intra de is mortus arregordaus: Juanni Cinus (55 annus); Juanni Sìmbula (24 annus); Efis Cera (46 annus); Arrafieli Melis (33 annus) e Arrafieli Lussu (20 annus). In is àutus de morti parrochialis figurant *occisus a militibus* (bocius dae is sordaus). A pustis de sa strasura si furiat dimìtia totu s'Amministratzioni e iant cummissariau su Cumunu fincias a eletzionis noas. In prus medas paesanus ddus iant arrestaus.

CUMMISSIONI PARLAMENTARI PO IS MINAS (1908)



In is primus de maju lompit sa cummissioni parlamentari incarrigada de **studiai is cunditionis de is minadoris**, presidia dae su senadori **Salvatore Parpaglia**, giai s'indigu e deputau de Aristanis. Su 5 cumentzant is **audéntzias** in Igrésias: ascurtant s'indigus, dotoris, dirigidoris ma pruschetotu a is trabballadoris; a fini de mesi tocat a s'Argentiera. Ndi benint finas in su **Sàrrabus** (22 de maju in Santu 'Idu e fut dirigidori de Mont'e Narba s'ing. *Bartolomeo Rosso*) e in su Gerrei, in particulari in Ballau e Bidd'e Sartu. S'arrelata (1911) amostat una situatzioni de **miséria e sfrutamentu** (*truck-system*, murzu aintru de is gallerias, e a.s.). **In is annus a pustis su nùmuru de is minadoris calat**, medas ddus licéntziant po fenga de is dirigidoris, àterus si ndi andant de sei insoru po andai a trabballai in Àfrica o in Còrsica. Sa prata in Mont'e Narba furiat spacendi e s'economia a pagu a pagu passat a su prumu.

SU POSTALI LOMPIT IN SU SÀRRABUS (1908)

Cagliari
Domenica, 13 Settembre 1908.
Telefono N. 113

L'inaugurazione della linea automobilistica Cagliari-Muravera-San Vito

Martedì p. v. verrà attivata la linea automobilistica Cagliari-Muravera-San Vito. Oggi in quest'ultimo comune avrà luogo una festa gentile per esprimere la compiacenza delle popolazioni del Sarrabus, le quali, con la linea automobilistica che le unisce rapidamente a Cagliari, vedono compiuto un loro antico voto.

Oggi in diverse vetture automobili sono partiti per S. Vito, per prender parte alla bella festa, molte personalità cittadine, tra le quali notammo l'on. Scano con la sua gentile figliuola, il sindaco cav. Marcello, gli assessori cav. Accardo ed avv. Sanna Bandaccio, i consiglieri provinciali comm. Mura Agus e avv. Enrico Sulis, il cav. Carli direttore delle Poste e Telegrafi, il prof. Garzia direttore dell'Unione Sarda, il signor Giovanni Dettori redattore del *Corriere dell'Isola*, il prof. Valli, l'avv. Ugo Ranieri, il signor Chapelle, i fratelli signori Pippo e Lello Vivonet.

L'orario infine. La Direzione delle Poste l'ha dichiarato provvisorio e ha fatto bene. Presentemente partendo da San Vito alle 7 si arriva a Cagliari alle 11, per ripartirne alle 13. Troppo breve l'intervallo e per il viaggiatore e per la macchina stessa alla quale occorre sempre por mano a ogni riposo per prudenza. Tanto a Muravera che a San Vito tutti son d'accordo nel chiedere un anticipo al mattino e una proroga nel pomeriggio di un'ora: partenza alle 6 da San Vito, arrivo a Cagliari alle 10; partenza da Cagliari alle 14 e arrivo a San Vito alle 17.

La cosa è facile a farsi: chi sa.... la Direzione delle Poste l'avrebbe già fatta: ma... C'è un ma, e vediamo di non perder le staffe nel farlo sapere al pubblico. Se l'orario più comodo e più razionale non s'è adottato si è perchè riuscirebbe incomodo al procaccia e all'ufficio postale di Castiadas, che porta e riceve la posta alla cantoniera di Monte Acuto. Per non far alzare dal letto un'ora prima l'ufficiale postale di Castiadas e per non esporre le autorità di quel luogo ad aver la corrispondenza con un'ora in ritardo si sacrificano le popolazioni del Sarrabus. E' comica la cosa o è disgustosa? E' l'uno e l'altro: e siamo convinti che basti accennarla perchè la Direzione Provinciale delle Poste metta da parte i riguardi per il procaccia, l'ufficiale postale e la guarnigione di Castiadas — che non soffrirebbero gran fatto, trattandosi semplicemente di cambiare abitudini cristallizzate non di angariare alcuno —, e contenti le popolazioni del Sarrabus, le cui rappresentanze amministrative ci assicuravano giorni fa che avrebbero mosso lagnanza in via ufficiale. Se la nostra in via... di franchezza serve allo scopo, ben fortunati.

Ed ora, punto. Dovremo ripigliar la penna? Speriamo di no: ma rimaniamo all'avanguardia.

Quel delle lenti turohine

giornali de su 14/09/1908 e asuta is oràrius de su 01/10/1913

In su 1908 nascit su **primu servìtziu de trasportu pùbbricu automobilisticu**. Est frutu de s'amelloramentu de su servìtziu postali chi prima podiat portai feti sa posta e imoi, gràtzias a is **suventzionis de su Ministèriu de is Trabballus Pùbbricus**, garantiat su trasportu finas de genti e mercis.

Sa **primu lìnia** est sa **Tàtari-Témpiu-Palau (07/1908)**, manixada dae sa *Società Trasporti Automobili* de is fradilis Ginu Pais e Bastià Pirisi. Sa **segunda lìnia** est sa **Casteddu-Murera-Santu 'Idu (15/09/1908)**, manixada dae su cav. Erricu Satta chi dda donat in subcuncessioni a is **fradis Pippo e Lello Vivonet**: custus còmporant **4 veturas FIAT** (3 dae 24 cv e 1 dae 40 cv) cun 14 postus (4 in primu classi, 8 in segunda, e 2 a costau de su sciaferi); in pitzus podiat carrigai fincias a 400 kg de posta e mercis.

Po fai is 60 km dae su Sàrrabus a sa citadi si passàt dae is 12/13 h cun s'*omnibus* a 3 cuaddus a **3,5/4 h** cun su postali.

CAGLIARI-S. VITO


	DIS Km	SERVIZI AUTOMOBILI POSTALI		
. 13 >	p. >	Cagliari	a.	11 30 ...
. 13 36	9	Quarto S. Elena	↑	11 > ...
. 14 29	27	S. Gregorio		10 9 ...
. 14 44	30	Campuomi.....		9 4 ^a ...
. 15 44	43	Monte Acuto		8 50 ...
. 17 8	63	Muravera.....		7 36 ...
. 17 20	67	Villaputzu	↓	7 12 ...
. 17 30	a. 68	S. Vito	p.	7 ...

SU POSTALI LOMPIT IN SU SÀRRABUS (1908)



↑ Santu 'Idu 1908

Nuraxi Asoru primus de su '900 →
Contonera de Monti Acutzu, vetura postali Mercedes →



SU BOCIDORXU DE ITRI (1911)



In s'edadi giolitiana cumentzat su dramma de su **disterru sardu**. Su 12 e 13 de arxolas 1911 in **Itri** (intra de *Gaeta* e *Formia*) in su **cantieri de sa bia de ferru Roma-Nàpuli**, unus cantu **trabballadoris sardus s'arrefudant de pagai una tangenti a sa camorra** (chi manixàt sa costruzioni de sa bia de ferru a médiu de sa *Ditta Spadari* chi iat bintu s'apaltu). In prus is sardus circant de pesai una **lega sindacali po arregramai sa paridadi de paga**, gai chi ddus pagànt prus pagu de is italianus. Po fenga, **is itranus**, gujaus dae su s'indigu e dae is carabinieri (cuncordaus cun sa camorra) **cumentzant sa cassa a su sardignolo, bocendidendi 7, forsis 8, e ferrendideddi a dexinas**, pighendi de punta finas is famillias de is trabballadoris. Chini si sarbat sceddant de si ndi torrai in Sardìnnia. A pustis **su governu arrestat su s'indigu e 60 itranus** po sa partecipazioni a su bocidorxu ma **a su processu finali** de su 2 e 5 de maju de su 1914 **ddus assolvint totus**.


S'INDÙSTRIA CASEÀRIA

Is antigus narànt "Chie mandigat casu jughet dentes de òru" dae cantu baliat su casu. Difatis su valori aici artu de su casu influentzàt su mercäu portendi a s'augmentu de is prètzius de totus is àterus prodotus e tandu incarendi su costu de sa vida. **Industrialis e capitalistas latzialis** a is primus de séculu iant cumentzau a **investiri in Sardìnnia** is proventus de sa speculatzioni edilizia de *Roma Capitale* **pesendi un'arretza de stabilimentus po fai su pecorinu romanu**. Custus imprendidoris italianus ndi pinnigant agiumai totu su lati sardu. Sa domanda, sèmpiri prus manna, portat a **mudai is campus in padrus e ammanniai su tanti de brabeis** (1881: 844.851 → 1918: 2.018.618).



IN GHERRA (1915)

Sa **primu Gherra mundiali** furiat cumentzada in s'istadi de su 1914 e s'Itàlia si fut posta neutrali, mancai parti de s'Alliàntzia a Tres. S'**opinioni pùbbrica** boliat sa **neutralidadi** e is **interventistas** abarrànt una minoria ma chi si faiat intendi meda. Su fenómenu est su própriu in Sardìnnia puru. Su governu *Sonnino* perou iat cumentzau a arrexonai cun totus de is duas partis po otenni cumpensus territorialis. Is mellus furiant asseguraus dae s'Intesa e tandu cun custa s'Itàlia firmat su Patu de Londra (segretu). Su 24 de maju de su 1915 s'Itàlia deccrarat gherra a Àustria e Germània.



SA BRIGADA TATARESÀ

In cussas diis movint dae Casteddu e Portu Turre duus regimentus de fanteria nous, su 151 e 152, costituius in gennaxu in Sìnnia e Témpiu po formai una brigada noa (**6000 óminis**): sa **Brigada Tàtari**. S'esércitu furiat su logu innui "fai is italianus", sa Brigada Tàtari furiat un'ecetzioni, s'ùnica fata cun **basi étnica** (e finas ratzista: su sardu "naturali màchina de gherra"). Is sardus cumbatint in: *Carso, Asiago, Bainsizza, Caporetto, Codroipo, Tre Monti, Piave, Vittorio Veneto*. **Su tributù de sànguni pagau dae is sardus est de is prus carus.**



AUSTRIACUS IN MONTI DE NARBA (1916-1920)



Sa **Sardìnnia** divenit **logu de presoni po is nimigus àustro-ungàricus**. In su **1916** sbarcant in Portu Coraddu **100 ofitzialis e 30 sordaus austriacus**, totus **presoneris de gherra**, e **ddus portant a Mont'e Narba**. In su matessi annu divenit direttori de sa mina s'ing. *Maurizio Perrier*. Intra de is presoneris nci furiant puru unus cantu **pintoris** ca si furiant propónnius po **imbelliri s'ufitziu técnicu e sa villa de su direttori**. In custus annus, po motivus de seguresa, faint una lìnia de telèfunu dae sa mina a sa caserma de is Carabineris chi s'agatàt in Santu 'Idu.

IS MORTUS DE GHERRA



In totu iant pigau parti a sa gherra unus 100.000 sardus, s'11% de sa pobulatzioni. **Is mortus funt 13.602 e is spèrdius 3.500.**

Sa média italiana est de 104,9 mortus po 1000 ab., ma sa **média sarda est de 138,6 mortus po 1000 ab.**, faendi sa Sardìnnia una de is regionis de su stadu italianu chi ant pagau de prus in vìtimas de gherra. Naràt unu poeta: "Pro defender sa pàtria italiana / distruta s'est sa Sardìnnia intrea"


Custu "créditu" si ponit impari a is àterus chi sa Sardìnnia bantàt dae s'Itàlia. Su **sviluppu de sa cuscéntzia de is deretus de is sardus** acuntessit giai in trincea, in is momentus de pàsiu e de arrexonada intra de ofitzialis e sordaus. Est cussu su logu de formatzioni de **Lussu** e **Bellieni** e de is **primus bideas de su sardismu.**

SA “SPANNIOLA” (1918-1920)

Is sordaus de torrada dae su fronti non ndi betint scéti bideas políticas noas ma **betint finas una maladia**. S'influéntzia **spanniola** (nominada de aici poita is ùnicus giornalis chi ndi chistionànt furiant spanniolus, ma sa maladia oindii non si sciit dae innui ndi siat bénnia) lompit a su **màssimu de spainadura in Sardìnnia intra de s'acabbu de cabudanni e sa metadi de donniasantu 1918**. Giai dae su 25 de cabudanni si pigant providimentus po firmai su contàgiu. S'epidemia at a **sighiri fencias a su 1920** faendi **in totu 9132 mortus in Sardìnnia**.



SU PARTIDU SARDU



In su mesi de maju de su 1918 **Umberto Cao** pùbbricat su paperi "***Per l'Autonomia!***". Proponit s'**istituzioni de una rapresentàntzia sarda** (unu parlamentu sardu) in ponti de sa "*scarsa dozzina di emissari*" chi furiant in Roma, sa torratura de salinas, minas, padentis e pischeras po **formai unu demàniu regionali** e finas is bias de ferru, e una fiscalidadi sarda. In acabbu sperat in su nascentu de unu **partidu autonomista**, chi at a nasci in su **1921**: su **Partidu Sardu** (*Partito Sardo d'Azione* - Psd'Az). Su programma de su Psd'Az furiat giai aprovau in su **Cungressu de Macumere de su 1920**.

IS DUUS ANNUS ARRÙBIUS (1919-1920)

S'acabbu de sa gherra e sa Revoluzioni Russa portant mudaduras mannas in Europa e in su mundu. In Sardìnnia puru '19 e '20 funt annus de avalotus, cumentu a s'ocupatzioni de sa tanca *Vittorio Emanuele* in **Seddori** cumpria dae is **ex-cumbatentis** chi domandànt sa terra (mesi de làdamini 1919). In mesi de idas, 8000 **minadoris** sciòperant in s'Igresienti contras a sa precariedadi de su trabballu. Su fatu prus légiu acuntessit s'11 de maju de su 1920: is minadoris calendi a **Igrésias** portant a tira a s'ing. **Binetti**, diretori de sa Mina de Monteponi, ca non boliat pagai sa mesu giorronada a is minadoris ca furiant andaus a ascurtai su cumìtziu de su s'indigu (socialista). Lómpius in citadi agatant a **is carabinieri**, chi sparant e **bocint 7 oberajus e ndi ferrint 22.**



SARDISMU E FASCISMU

A is eletzionis de su '21 su Psd'Az pigat su 30% de is votus de is sardus. In cussus annus is **trumas fascistas** furiant ancora pagus ma finas in Sardìnnia si ndi cumentzant a biri is sinnalis (comitaus de amparu sociali contras a is sciòperus, surras de corpus a is comunistas, e a.s.). Sa conca chi promoviat su svilupu de su fascismu in Sardìnnia furiat s'impredidori mineràriu italianu *Ferruccio Sorcinelli*, chi at a formai is primus scuadras fascistas e at a gujai in su 10/1921 in **Igrésias** su **primu cungrèssu regionali de su PNF**. In prus in su 1920 iat comporau *L'Unione Sarda*, chi divenit su mèdiu de sa propaganda de regimi in Sardìnnia. Is **violéntzias** aumentant a pustis de sa *Marcia su Roma* (28/10/1922); **is sardistas tandu cuncordant is camisas ganudas**.



Ferruccio Sorcinelli (PNF)




Emiliu Lussu (Psd'Az)



Camisas ganudas sardistas

SA FUSIONI (1923)

Mussolini arreconosciat in is sardistas unu nimigu de su **regimi** ma in ponti de ddus arreprimi (cumentu faiat po is socialistas) **circat de ddus incorporai** in bonas in su PNF. Su *dux* iat mandau **Pedru Lissia**, calangianesu, sutasegretàriu de su Ministèriu de is Finàntzias, po **arrexonai sa fusioni cun is sardistas**, ma debbadas.



A cumentzu de su '22 **Asclepia Gandolfo** divenit guvernadori de Sardìnnia e sighet is tratativas intra de is duus partidus. Psd'Az e PNF s'assimbillànt po medas bideas; s'ùnica diferéntzia furiat s'autonomia, chi *Mussolini* non acetat. A s'acabbada **una parti de is dirigidoris sardistas imbucat in su PNF; Lussu puru nci pentzat**, invècias Bellieni avertit ca su fascismu non at a portai mai a innantis is arreclamaduras sardistas.

Sa fusioni furiat cumpria: nascit su **sardu-fascismu**.

LEI DE SU MILIARDU (1924)

Su 1924 est s'annu de s'omicìdiu *Matteotti* (10/06/1924) e is sardus **Lussu**, Mastino, Berlinguer e Delitala pigant parti a sa **Stalladura de s'Aventinu** (27/06/1924). Po sa Sardìnnia est s'annu de sa **Lei de su Miliardu**, aprovada in donniasantu, chi faiat in pràtica de **prémiu po sa fusioni** de s'annu prima. **Unu miliardu de francus po finantziai òberas pùbbricas** de spendi in 10 annus. Is interventus prus de importu ddus faint in su portu de Casteddu e in òberas de arregulamentadura de is àcuas.



Su portu de Casteddu
in su 1929

“BOCEI A LUSSU!” (1926)



Casteddu - Pratzza de is Màrtiris
innui biviati Lussu
(xilografia Barberis 1895)

Su 31/10/1926 in Bolónnia **Anteo Zamboni** circat **de bociri a Mussolini** ma debbadas. Su merici etotu is fascistas pigant s'ocasioni po **cumentzai s'arreprimidura de totus is oponidoris polìticus** de su regimi.

Is fascistas assaltant sa domu casteddaja de Lussu: Batista Porrà circat de imbucai dae su balconi ma Lussu cumentu ddu biit a sa fentana ddu sparat e ddu bocit, tandu si serrat in domu e abetat a sa justìtzia; a pustis ddu portant a Bonucamminu. Is jugis non ddu cundennant po s'omicìdiu (giai chi furiat defesa legìtima) ma po **reatu polìticu** e tandu ddu mandant in **cunfinu po 5 annus in Lìpari**.

A **Gramsci** puru tocat su cunfinu, in Ùstica.

PÀULU PILI E SA FÀULA DE SU SARDU-FASCISMU



Pàulu Pili

Pàulu Pili furiat su **dirigiori regionali de su Psd'Az** in su 1922. S'annu a pustis si fait **promovidori de sa fusioni cun su PNF** e **ndi divenit segretàriu federali po sa Sardìnnia**.

A bellu a bellu incùngiat arrolus de primori in medas entis e istitutzionis sardas (in particulari in sa Càscia de Crèditu Agràriu de Casteddu) e italianas e inderetura divenit deputau. **Su bisu suu furiat de “sardizai su fascismu” e portai a cumprimentu is programmas sardistas**: svilupat un'arretza de **cooperativas socialis** chi andant a **cuntrastai su monopóliu de is indùstrias caseàrias** (controlladas su in prus dae italianus). In su '26 andat in USA po abrexu canalis de mercäu nous po is prodotus sardus.

Cun su cumentzu de sa **Batalla de su Trigu** (07/1925), su Cungressu Psd'Az de Macumere, innui is sardistas denùntziant su fascismu (27/09/1925), e sa reatzioni de is industrialis, su PNF a s'acabbada nci bogat a Pili in su 1927.


NOVIDADIS AMMINISTRATIVAS (1927-28)



Cun su *regio decreto* n. 1 de su 1927 funt aboliuis is circondàrius e istituias is **provìncias**. Torrat a nasci sa de **Nùgoro** (esistia a metadi de s'Otuxentus) chi deretu allomìngiant cumentì a "**Provincia del Littorio**". Su bisu furiat s'**arreprimidura de su banditismu**, s'abrandadura de sa triva intra de Casteddu e Tàtari, e s'introdusidura de su fascismu cumentì a "manera de governu".

In prus **su fascismu suprimìt 93 cumunus sardus** e dae 364 passant a 275. In su Gerrei su cumunu de Goni est incorporau in su de Santu 'Asili e ddui abarrat fìncias a su 1946.

IS BIDDAS DE FUNDATZIONI: “MUSSOLINIA” (1930)



Mussolinia in unu disegnu de su 1935.

Cun su *regio decreto* n. 3134 cumentzat sa stòria de sa **bonifica integrali in Sardìnnia**.

In sa pranaxa de **Su Sassu** sa *Società Bonifiche Sarde* pesat su **Villaggio Mussolini**, incingiau in su mesi de ladàmini de su '28, innui s'apostant pruschetotu messajus de su **Vènetu** e Polésine. Su 29 de mesi de idas de su '30 nascit su cumunu de **Mussolinia di Sardegna**, sa Arborea de oi; is abitantis funt 2000.

IS BIDDAS DE FUNDATZIONI: “VILLAGGIO GIURIATI” (1933)

Is trabballus cumentzant in su **1928** e acabbant in su **1933**, annu de incingiadura de su **biddatzolu oberaju**. Su fini furiat cussu de **arriciri is oberajus po sa bonìfica de is paulis de s'Arriu de sa Picoca e de Bidd'e Majori**. In is annus de fabbricadura pesant finas una **eresiedda in stili neoromànicu** in bicromia carcari-pedra niedda, incorporau in su '33 cumenti a àbsidi de sa crésia noa, pesada po arriciri prus genti. Su biddatzolu furiat intitulau a **Giovanni Battista Giuriati**, Ministru de is Trabballus Pùbbricus dae su 1925 a su 1929, e in su '33 at a pigai parti a s'incingiadura.



VILLAGGIO GIURIATI (1933)



VILLAGGIO GIURIATI (1933)



IS BIDDAS DE FUNDATZIONI: FERTÌLIA (1936)

Sa primu pedra dd'ant posta s'8 de martzu de su 1936 po pesai sa crésia parrochiali. Is trabballus funt afidaus a s'**Ente Ferrarese di Colonizzazione**, istituuiu su 07/10/1933 dae su regimi fascista po currepundi a s'**ecessu de populatzioni de sa Provìncia de Ferrara** e apasigui de aici is tensionis sotzialis. Cun sa **gherra** s'arrimmat s'òbera de colonizatzioni e medas de is fàbbricus, sbuidus, ddus imperant cumentu a **campu de cuncentramentu po is slavus**, pruschetotu croatus. A pustis de sa gherra invècias dda pópulant is **disterraus istrianus e dalmatus**.



IS BIDDAS DE FUNDATZIONI: CARBÓNIA (1938)



In is annus '35-'36 si svilupat s'**estrazioni de su carboni in su Sulcis**; tandu, po arriciri is oberajus de is minas, in su 1937 cumentzat sa fabbricadura de sa citadi de **Carbónia**, bófia dae su regimi.

Sa citadi est incingiada su 18 de mesi de idas de su 1938, cun sa preséntzia de **Mussolini** etotu, chi iat tentu unu discursu ananti de 35.000 personis.

SA SEGUNDA GHERRA MUNDIALI

Su primu de cabudanni de su '39 **sa Germània invadit sa Polónia**, si pentzat a unu gherra lestra. Su 10 de làmpadas de su '40 s'Itàlia puru pigat parti a su cunflitu decrarendi gherra a Frància e Rennu Auniu.

Duas diis a pustis cumentzant is primus oberatzionis militaris sardas. **Sa Sardìnnia furiat cunsiderada cumentis a sa portaparéchiu italiana in su Mediterràneu.**

Is aparéchiu sardus moviant dae is **campus de bólidu de Su Masu, Bidd'e Cidru e Fertìlia**, is obietivus furiant sa Tunisia, sa Còrsica e is convóllius inglesus deretus a Malta e a s'Egitu. In is citadis cumentzat su **razionamentu de s'arrecatu**, de tzùcuru, saboni, pannus e crapitas; cumentzat su **disterru in is biddas**.



SU SISTEMA DE FORTIFICAZIONIS



Intra de su '30 e su '40 iant fabricau su **sistema de defensa militari de s'isula** de Sardìnnia. Cabusaldus, *bunker*, baterias antiaèreas e antinavalis funt postas assoru de Casteddu, Portu Turre, S'Alighera, Aristanis, su Sulcis.

In su **Sàrrabus** e in totu sa costera orientali ndi pesant pagus po mori ca **sa zona furiat pagu stratégica**:

- Postatzioni de Cabu Crabonaxa;
- Postatzioni de Monti de Cannas;
- Basi de Bruncu Scoradinus;
- Postatzioni de s'Arcu de s'Arena;
- Sbarramentu de Seti Bucas.

BOMBARDAMENTUS ALLIAUS (1942-43)

Sa Sardìnnia non furiat pigada dae su cunflitu in manera dereta, ma dae su '42, cun s'avantzada de is Alliaus in Nord-Àfrica, pigat un'arrolu de primori. Giai in s'istadi de su '42 **is anglo-americanus bombardant Casteddu**, ma cun pagus dannus. Su peus acuntessit in is diis de su 17, 26 e 28 de friaxu de su '43 cun sa morti de 416/700 personis. Is **casteddajus** pigant sa segundària e àterus médius po **si fuiri in is biddas de centru Sardìnnia**, unus cantu ddus arricint in su Sàrrabus e in su Gerrei. Su 31 de martzu un'àteru bombardamentu: 60 mortus. Su 13 de maju acuntessit su prus distrutivu: >500 tn de bombas, su **75% de sa citadi sciusciau**. Casteddu est sa segunda citadi in Itàlia prus bombardada (sa primu est Nàpuli), **is vitimas funt intra de is 1000 e is 2000**, e **prus de 40.000 personis iant pérdiu sa domu**. Medas de custus sfollaus s'ant mroxi de fàmini in is biddas.



"MUSSOLINI DEFUNTO" (1943)

Su 25 de arxolas de su 1943 su *Gran Consiglio del Fascismo* dimandat a **Mussolini** de lassai su cumandu de is Fortzas Armadas. *Mussolini* andat acanta de su rei circhendi de ammostai ca su GCdF fessat scéti un'organu consultivu, ma **su rei ddu fait arrestai**. A *Mussolini* ddu portant a **Ponza** e su 7 de austu nci ddu portant a **Sa Madalena** e ddu incortant in **Villa Weber**. Non si podiat acostiai nemus, a parti una serbidora chi dd'aprontàt sa cosa. Una dii sa **serbidora** pedit a su *dux* una dédica sua de scriri in unu **libburu** e issu dda firmat scriendi "*Mussolini defunto*". Ma sa stória de *Mussolini* non furiat ancora acabada: su 22 de austu nci ddu portant a **Pratica di Mare** e a pustis in su **Gran Sasso**. S'8 de cabudanni is tedescus ddu libberant cun s'Oberatzioni Ìlixi (**Unternehmen Eiche**) e a pustis nascit sa Repùbblica Sociali Italiana.



Villa Webber

S'ARMISTÌTZIU (03/09/1943)

Cun s'armistìtziu imbenienti su cabu de stadu majori de su R.E. *Mario Roatta* intregat sa *Memoria O.P. 44* a is cumandantis territorialis cun is prescritzionis de cumentis s'arrelatai cun is tedescus. In Sardìnnia su R.E. furiat cumpónniu de 5108 ofitzialis e 126.946 sordaus cumandaus dae su generali **Antonio Basso**; is tedescus invècias furiant unus 30.000 pertocantis a sa XC divisioni coratzada cumandada dae su generali **Lungerhausen**. *Basso* e *Lungerhausen* si ponint de acórdiu po una smobilitatzioni trancuilla de is tedescus, acuntessit comuncas calincunu scórriu. Su peus in **Sa Madalena** candu is tedescus dda ócupant po s'assegurai su passàgiu in Còrsica, ma dda lìbberant a lestru unus cantu valorosus, intra de cussus unu mureresu puru, Juanni Cotza.



SA RESISTÉNTZIA (1943-45)

Medas sardus ant pigau parti siat a sa **Gherra de Spànnia** in is annus '36-'39 cun is repubricanus, arremonaus finas 3 biddeputzesus: Antoni Aledda, Juannicu Massessi e Otàviu Tamponi.

Àterus sardus ant participau a sa **Resisténtzia** a su nazi-fascismu, siat in Sardìnnia chi in àterus logus de su mundu. Assumancu 250 benint deportaus in is campus de cuncentramentu, 4-5000 benint deportaus cumentis militaris, 9 cussus mortus in is Fossas Ardeatinas.

LUSSU VS INDIPENDENTISTAS (1944)



Su 30 de làmpadas de su 1944, a **pustis de 18 annus de esiliu, sbarcat in Casteddu Emìliu Lussu**. Medas sardus abetànt a Lussu cumentì a unu **libberadori**, chi portessit sa Natzioni Sarda a s'**indipendéntzia**.

Ma **Lussu non furiat indipendentista**. In medas ocasionis **iat criticau e cuntrastau is bideas separatistas de is sardistas** (giai su 75% furiat de cussa bidea). Inderetura in su VI Cungressu de su Psd'Az in Macumere, **circat de fai cunfrui is sardistas in su Partidu Italianu de Atzioni** (progetu bófiu dae Lussu po afortiai s'autoridadi política sua). Ma sa situatzioni s'asséiat cun unu **cumprumissu**.

Intra de sa **Democratzia Cristiana** puru si format un'**ala indipendentista**, nodia cumentì a "sa truma de Putumajore".


ERLAAS (1946-50)

Furiat su momentu de torrai a pesai sa Sardìnnia. Su 12/04/1946 est istituiu s'ERLAAS (**Ente Regionale per la Lotta Anti-Anofelica in Sardegna**) cun fundus de su stadu e de sa *Rockefeller Foundation*, dae su UNRRA e dae s'ECA (pranu *Marshall*). Pigant parti espertus cumentu *Alberto Missioli*, *Jisepu Brotzu* e *Guido Casini*. S'ERLAAS format su personali locali e aprontat 4 campànnias contras s'*Anopheles labranchiae* e po is **bonificas**. Dónnia stàini e pràggia de àcua dda impoddant de **DDT**. Murera divenit sa seu de una de is duas divisionis de sa regioni Sud-Est.



Murera (1948)

MONARCHIA O REPUBBRICA? (02/06/1946)



In su **referendum** po sceddai su sètiu istitutzionali de stadu italianu **sa Sardìnnia votat su in prus po sa monarchia** (313.940) chi po sa repùbbrica (202.709).

Sàrrabus e Gerrei votant in majoria po sa repùbbrica, scéti Murera, Goni e su lacananti Foghesu votant po sa monarchia.

Is logus prus "repubbricanus" funt cussus a majoria socialista e sardista.

Si votat puru po sa **Costituenti** (DC 41,1%; Psd'Az 14,8%; PCI 12,5%; *Uomo Qualunque* 12,4%; socialistas 8,9%).

SU STATUDU DE AUTONOMIA (1948)



Intra de su '46 e su '47 sa **Consulta po su Statudu** aprontat e arrexonat unu primu progetu. Sa cumpositzioni de sa Consulta furiat diversificada meda: PCI e MSI non boliant s'autonomia, DC eja, su Psd'Az boliat constitui unu stadu federau.

Cun sa lei **26 de friaxu de su 1948 n.3** s'Assemblea Costituenti aprovat **su Statudu de sa Regioni Autònoma de Sardìnnia**.